

陽春縣志卷之十四

藝文 勅 記 傳 頌 銘 詩

志地之書曷為錄藝文也曰古者輜軒所至陳詩以觀民風藝文者風土政教之所繫胡可遺也夫言無古今衷諸典要作者綦富擇焉貴精彼風雲月露之詞連篇累牘則誠無取焉耳陽春雖蕞爾邑然自宋元以來官斯土寓斯土暨夫產斯土者大雅小雅材無慮數十家論古則有文紀今則有文登臨覽勝則又有文靡弗韻流管絃辭潤金石揆以有裨風教之義不無離合而甄而錄之要多

陽春縣志

卷之十四 藝文

一

足以備輜軒之採為一方文獻徵也紀事之作或大醇小疵存俟攷證不敢芟削云

勅

充春州軍事推官兼知本州王孝叔制勅

宋 王安石

孝叔南方荒遠之州吏多憚往而爾請行焉故祿賜而以勸賞隨其後往其勉矣思乂兆民

記

州記

皇祐二年 薛利和 河東人

州分為四等曰

團練曰刺史而居焉

粵

分野自秦通五嶺置南海郡春

漢移隸

晉置恩州唐爲南陵郡領陽春羅水二縣版  
戶萬餘隋以其地統於高涼五代多故劉氏竊據  
嶺表開寶初王師討平得州四十餘以流南羅水  
入陽春以勤之傅林入銅陵隸屬數年土人叛民  
罹兵火十亡八九合二州計戶僅登千數景德中  
本道轉運使以州之古城水土惡弱遷於銅石俄  
又徙隸新州越數歲復歸於舊從民便也西北陸  
抵京師六十有三驛東北水湊大海總百餘里環

山遶林襟巖帶洞夷獠雜居其地土下濕宜稻梁  
民力穡外常優逸自足其封域所載射木山以爲  
望漠陽之江以通舟楫巖泉有甘焚之奇石穴有  
金膏之異其物產不過橘柚猿狙之類凡富商大  
賈無因而至其地卑且燠歲多疫四方之言瘴癘  
以春爲稱首故凡補吏得罷必加優賞天子祀  
明堂歲河東薛利和來守是州新南樓以奏鼓角  
節動靜也修城門以謹關鑰防奸宄也建廟屋以  
閣勅書尊條教也葺甲庫以藏兵器謹戎律也修  
勸農亭敦政本也造招商院恤逆旅也起舊補廢

踰月告成以山川方物之常古昔廢興之蹟礮石  
以刊使後人守是州不須索版圖詢耆老至而有  
考焉

鄉貢進士題名記

明永樂七年  
翰林修撰

梁

潛廬陵人

廣東百數十年之間功業文章之士蓋與中州竝  
至於土地之僻陋瘴癘之深毒如肇慶之陽春雖  
偉奇特達之士亦少見不但文章然也豈其土地  
風氣有以汨之哉抑受命來治其地者以其地之  
惡也教化薰陶之方多苟且不盡致其人之材質  
無以自變耶嗚呼天之降衷嶺海之遠齊魯之近

陽春縣志

卷之十四

藝文

三

同也豈獨陽春有異哉夫陽春由秦漢至今千數  
百年其人明禮義而服教化久矣何獨文章功業  
之士未有聞者考之前志皆然豈常有之志者不  
知採錄哉比來予令是邦數月得番陽吳公子育  
爲之丞子育善文詞暇日必相與課諸生爲業有  
崔生暉者能爲文予二人皆許之去陽春六年而  
子育來京師欣然告予曰崔生以戊子秋舉於鄉  
而中於有司蓋陽春能以文詞舉者始自崔生前  
乎此未有聞也子育遂礮石爲題名俾來者有所  
觀以予嘗爲令陽春識崔生屬爲記嗚呼予育於

陽春之士用心厚矣使子育得用心於齊魯之邦其功效當何如耶使後之治陽春者用其心如子育德行美材之士烏知其不顯揚於時陽春雖陋不陋矣今子育幾三考將去陽春不知繼此而治者尙有若人否也惟皇上化被幽隱如春至氣達陰崕寒谷物無不暢吾知陽春自此負道德抱文詞而進者當復有人未止此也諸生力學當以崔生自勉無以陋自棄是爲記

重建陽春儒學記

正德十五年肇慶知府

黃

瑗

晉江人

端州小子一日泣事於堂有一生愼乃儀趨見持

陽春縣志

卷之十四

藝文

四

圖而告曰茲重建陽春縣儒學圖以尹之命而進乞識之因披圖起視中爲大成殿制度森嚴旁翼兩廡朴而不華壯而可久殿之外崇乃臺又修廣乃庭前爲櫺戟門殿之後爲明倫堂堂之左右兩齋書室以次而序士之藏修游息有其地喜曰美哉是役乎茲亦天下通制生拱而進曰陽春山邑事多廢矣夫子之廟敝壞者久風雨幾若無以蔽又何有於學之堂歟兩齋學博與前尹厯未能及吾尹視縣未幾瞻睹之際惻然甚不敢以自安若有所喪焉茲從而更新之規模恢拓視昔尤有光

州州小子曰有是 吾聞陽春 山之中諸猺  
部落甚衆與土賊嘯聚出沒靡測民弗安生尹安  
遽事此生曰以盜不弭則教不興教不興則亂由  
作又無怪乎焚劫攘奪之炳之熾也故視事之初  
抵諸猺崗殲醜獲首安其來附者境內肅然而於  
急遽蒼黃之際經度謀畫急於爲是民感其惠有  
以觸其同然之機趨事赴工弗戒而集有不覺其  
成之易者端州小子曰有是哉是之謂急先務教  
化其興乎夫學也者所以講明吾夫子之道者也  
吾夫子之道大非吾與子所能述亦無待於述也

然嘗論天地間萬形皆有敝惟是道生生而不朽  
蓋會天地體萬物貫古今而獨靈者吾夫子道之  
主也靈之至也先得萬古人心之所同然者事功  
過於堯舜其不朽之盛也故雖不能尊其身於氣  
厄之時而廟食萬世與造物者相終始不能行其  
說於齊陳魯衛之間而其道如日麗天如水行地  
其身雖沒其靈不朽至今自國都迄於海隅僻壤  
皆知尊其正而崇其教則自隆其報矣雖夫子亦  
不知其身後之尊且榮之無窮如此也則今日之  
所建蓋有作某所不能不作非尹之所能亦非

之所得而識之也抑又聞之縣尹是舉有猺獞運木以相資聖人有言曰言忠信行篤敬雖蠻貊之邦行矣此可見尹平日之忠信有以服於猺獞之心而夫子之言尤可信而不誣也是役也作於正德丙子歲夏六月落成於歲之秋九月縣尹黃君名寬端州小子名瑗與尹伯仲閩人也均有興學之責而又有不容辭焉用以命於後

蘖谷愚木記

嘉靖二年  
廣東副使  
黃大用  
莆田人

木出春之西山不知幾千百年物矣癸未仲冬余過水溪上見其奇狀命土人黎東海舟而致之行

陽春縣志

卷之十四 藝文

六

臺得天下大觀焉峯岳秀拔巖谷幽邃凡可喜可愕有難以悉數徘徊瞻視令人情性耳目舒以適殆忘乎其爲木也磅礴最高岐於西北者崑崙也蜿蜒而西者爲華東爲泰中爲嵩北爲恒南爲衡莫不拱於崑崙河源伏流下有陰洞其見爲積石與淮泗會而入於海皆有之天下之大觀備矣夫器卽道也崑崙河源君親也德之大也純粹精也五岳四瀆臣子也德之小也旁通情也高卑陳而貴賤位矣理一而分殊矣至矣獨怪其不可以材爲匠石所棄重以余之弗著弗著弗而辱之其

愚矣乎然木以余大有傲也特然而起者吾不如  
其峻洞然而空者吾不如其虛優然而容者吾不  
如其大燦然而理者吾不如其文淵然而靜者吾  
不如其有本沛然而達者吾不如其應用之無迹  
木也不遇余則誠遇矣顧得於天者未嘗忘木忝  
吾前余大有興也反而求之吾身將歷岳瀆陟崑  
崙窮河源以周八極人無何有之鄉遇其不在我  
乎余詩贈羅東川有骨鯁可知貫金石心期不朽  
答乾坤及座右無言道自尊之句蓋用東川賞識  
深意况東川以已觀物隨在可作如是觀也余未  
啐而孤未志學失所恃子然一身以有今日故自  
號蘖谷識余心獨苦也木顛沛泊沙淵而孤根獨  
存得無類耶因號蘖谷愚木而記之

留石亭記

嘉靖十二年嶺西分巡僉事 黃 澄

春正月甲寅總督兼理巡撫兵部左侍郎兼都察  
院左僉都御史陶總兵官征蠻將軍咸寧侯仇泣  
鎮兩廣時維陽春西山蠻寇負固滋蔓貽患最急  
迺恭行天討閱兵七萬釐爲三軍維僉事黃澄都  
指揮李森爲中軍由瀧水進屯羅銀右叅政祝續  
左叅將程鑒爲左軍由新興進屯灣口僉事鄭允

璋都指揮高睿爲右軍由陽春進屯鳳凰拱受成  
算尅日俱奮一鼓而擒凡擣巢百二十有五馘魁  
從趙林花等三千七百有奇俘執如之罔有遺者  
於是復田賦七百二十餘石奠民居一千八百餘  
家威德大沛遐邇懷懾獠寇殞膽革心兩廣用靖  
夏四月丁巳振旅而還嗚呼昔漢銘燕然唐刻劍  
閣考烈徵勞何以加此澄謹拜稽首而志諸崖石  
重修陽春縣學記 嘉靖三十五年  
廣東提學僉事 江 治 進賢人

聖人之道如太和元氣流行於宇宙間雖歷數千  
載常如一時雖深山窮谷靡所不屆故其教之入

人也無小大衆寡智愚賢不肖苟有得焉則昏者  
明懦者立如草木之遇春陽氣之所乘暢茂喬秀  
日異月改有莫知其所以然者此聖人之道之教  
夫豈一方之可誣一日之可缺焉者哉國家稽古  
崇儒觀民成化遵孔子之道詔天下郡縣建學立  
廟以祀之構之堂廡與其齋舍定之規制設官選  
俊朝暮誦法焉而夫子之宮牆徧於海內矣陽春  
邑屬肇慶僻處南隈環山負陵襟巖帶洞形勢險  
逼其地志所云也儒學之建舊矣然歷歲既久而  
有司不加之意故日就傾圮嘉靖三十二年謝尹



復生來治邑事首務學校因以白於諸司計材鵠  
工舉而新之明年告成乃率學之師生請余爲記  
余乃言曰夫學何爲也者所以學爲聖人者也聖  
人教垂百世道在六經舖其糟粕未有不充然厭  
飫者昔子貢有曰夫子之牆數仞不得其門而入  
不見宗廟之美百官之富今茲孔廟新成仰聖有  
所吾人陟其堂階入其門戶揖升趨進望之儼然  
如在其上固與不得其門者異矣豈不足動其願  
學之志乎夫修學有司之事也以學自修者君子  
之責也若其高堂隆棟涎桷閑楹規圓矩方準平

繩直於吾人學問之道固皆有互相發者多士育  
於學宮已嘗習見舊學之廢乃今又見其聿新焉  
則遠觀近取觸目激衷自新之機將必有油然而生  
勃然興者是故厯階而知躡等之戒循牆而審防  
之機心齋卽廣居之宅出門如大賓之見求仁  
以修身及時以修業萬物得陽氣之舒萌芽甲  
敷榮修達熙然於春風和雨之中而有不仁焉者  
鮮矣如是則有司之修學誠於一鄉之士有助而  
德成材達拔茅彙征將彬彬然以善聞於天下而  
無負於邑之名陽春也然則聖人道教之所及信

非嶺海之所能限而今日興學作人之意厥有成  
續者哉

重修陽春縣堂竝建後堂記

嘉靖四十五年  
按察司僉事 吳守貞

陽春縣治圯弊有年閱今亦屢矣其無遠志者率  
避興作之勞往往因循苟安其或有志修舉又以  
拙於財力而寢用是浸淫積廢以迄於今豈其廢  
興固自有數將亦有所待者耶歲乙丑十一月石  
亭許侯來知縣事始下車履政事之堂則見其棟  
宇椽題咸朽且蠹焉入室則見其後堂之軒楹墁

壁傾頽無存焉旣而周覽左右縱觀前後則又見  
其儲財之庫謹禮之門胥吏之舍贊政之廳土主  
之祠申明旌善 亭皆已蠹敗剝落有不可一朝  
居者乃蹙然曰縣堂政令之所出而有衆之所具  
瞻也圯敝若此匪惟民罔攸瞻且將覆壓是懼尙  
可因循爲哉遂銳然以修建爲己任已而又曰夫  
堂者官之依也是以聖王之馭世必先寧民而後  
卽安焉吾之涖茲土也一政之未敷而寸澤之未  
究民尙未有寧宇吾安有於堂於是布德施惠軫  
幽恤隱剔蠹釐奸興利祛弊亟進父老問民疾苦

有不便者悉與更始時值西山龐垆二蠻作梗民甚病之侯乃開誠撫諭俾之復業蠻悉傾心向化境內晏然民乃大悅侯曰可矣於是計資歛財鳩工飭匠筮日興事於堂易舊以新而葺治之於後堂則闢其荒蕪而鼎建之又益以川堂若干楹以屬於堂爲延賓之所至於庫房儀門吏廨幕廳神祠二亭亦皆以次興造百手偕作翕日而成計工若干計金一百有奇經始於丙寅暮春之望落成於是歲孟冬之朔厥費取諸贖金而益以俸廩役取之僱募而罔勤民不淹時而縣治燦然改觀矣

夫以數十年廢墜而一旦維新於指顧之間若有不勞餘力者侯之器識才智其過人不亦遠哉維時典幕林懋功率其民伍賢梅芳輩以侯之功不可以無紀乃白於文學蔡君志學役其門人賴生秋顯吳生起鳳徵記於余余惟縣之有堂以出政也然而善政恒於斯弊政恒於斯政善則民安政弊則民殘升斯堂者將無修其弊政以敷善政乎哉後堂以安身也然而晏安恒於斯省躬恒於斯晏安則廢職省躬則知過居是室者將無省厥愆尤以求民瘼乎哉川堂以寅賓也然而覩四窗

光明則思以開明其心目焉顧簷楹之平直則思以均平其政事焉言於斯語於斯者將無周爰咨諏以廣忠益乎哉允若斯則茲堂之成也有利於民有裨於治而民瞻斯堂也其善者必將喜曰茲堂之上有嚴父焉有慈母焉有冤吾其愬焉有枉吾其伸焉有不善者必將懼曰茲堂之上有禮樂焉有刑政焉非法吾安敢爲焉干紀吾安敢蹈焉民於茲堂而愛畏咸於是乎在則茲堂之成且將恨其不日新矣如其不然出而登斯堂也而將以病吾民八而居是室也而思以肥其家民將覩斯

堂而疾首焉則雖結以衡柴履以茅茨藉以土階君子猶以爲僭矣而奚取於重修且建爲哉許侯君子人也觀其興大役而非以逸已奏膚功而不以勞民其成斯堂也有道則其居斯堂也必不苟矣是不可以不記俾後之人亦有所觀而感焉侯閩之晉江人由鄉進士洊茲任諱宗承字大攢石亭其別號也

學田記

隆慶四年  
本縣尹

熊

富川  
人

熊子洊政之明日釋菜於先師詣學宮進諸士商德業究典籍而得學田端焉詢之博士李君曰此

伍賢氏義贈者也曷故曰以資多士其人由儒而  
隱蓋齒德冠於鄉而養於庠者也熊子曰若然則  
耆老通儒矣孟子曰無恒產而有恒心者惟士爲  
能耆老而通儒奚以資爲李君曰農人藉耜以俶  
載百工備器以利用士之恆心得於天而完諸已  
者雖無事於外假然而文房之具稠秩之資有所  
需而無餘顧諸生得以一志專向功業與農工之  
於器則一也耆老之義可少哉熊子喟然嘆曰耆  
老用心於多士蓋周矣哉天畀之吾有之父師訓  
迪之而或移易焉殞穫焉已不可謂士矣矧乎登

禮門由義路藏習乎進修之所優游於明倫之堂  
誦法於聖賢之德行復得資於是焉能不感之而  
益勵與雖然不待教而興者尤熊子所望於多士  
者也乃若披儒服羣燕好尋紅爭紫居約而濫處  
樂而淫其於存養省察之學漫不加意已非國家  
建學育材之初意矣耆老曷爲而贈耶多士尙思  
所以無負哉田佃竝勒於碑陰耆民太平都人熊  
子尙其齒德榮之以冠服今稱壽官云盤石其隱  
居也儒學教諭安溪林彥佳訓導湖口李景清立

新建尊經閣等工記

撰

人

見末記

隆慶壬申熊侯烈奉少府郭公檄建尊經閣於明倫堂後癸酉捐俸置山口田租二石四斗歲入爲諸生會課資又治錫爵並簠簋以充祭器萬曆戊寅毛侯汝起承少府蔡公所遺贖金益以已俸創蓋明倫堂兼修廟廡又買學前民地直抵城基大闢雲路仍同贊政黃君文莊別捐磚瓦結櫺星門創敬一亭移泮池於黌門外咸新厥制千載一時卽賓等亦得悽悽然効微力天運人從春邑學校其有興乎郭公名文通保定人蔡公名懋昭華亭人熊侯毛侯俱西粵人黃君則閩人也記人教諭

大田俞洪賓訓導歸善黃製

陽春黃侯去思碑記

萬曆八年  
禮部尚書

何維柏

南海人

萬曆八年庚辰黃侯來令陽春春端州屬縣也越十三年乙酉晉廉州二府去之日民之遮道擁留者以千萬計留之不遂繼以思思不已復共擬樹碑以垂不朽於是耆民梅芳黃思嚴叔偉等特請文於余余豈能文者哉顧表揚德政又余之素心也從而詰楊生梅生曰令茲邑者獨黃侯已耶胡獨黃侯令人思也去茲邑者獨黃侯已耶胡獨黃侯去而思也楊生梅生曰令茲邑者不獨黃侯民

德如黃侯者獨無二黃侯也始吾黃侯下車時適大兵蕩平之後城郭荒涼人民凋弊黃侯則以整齊治化一任諸已故他務未遑首興學校百廢未舉卽課農桑學校興而俗皆禮義之士農桑課而邑盡飽煖之民譬猶鬱蒸之後扇以和風陰翳之晨濟以皓月也且保民如子視國猶家起弊更新咸孚衆志辨奸理枉極得輿情市井鄉落中之孝弟者豪强者罔不禮敬而鋤刈之間有訟之涉於疑似者則展精聚神和氣平心以鞫之庭無留訟囹圄空虛故 府郭公陳公柏臺梅公鄧公駐節

崧臺廉侯政績咸加獎譽則侯之所以獲知於上者非徒爾也侯生平 厚操守冰霜諸所羨餘纖毫不入私室蠲田入學歲計穀五百餘石上爲先聖時祭之需下需諸生 晷之費初郡士未嘗業禮侯釋菜後卽以禮經旨義授諸生自是郡之士皆精於是經矣侯之作士化民大都如此悉數之更僕未易終也余曰侯之治陽春以之治吾粵可也侯之化一邑以之化天下可也民于其去而思也有以哉有以哉夫思者非無自而興也感于心則思 干情則思見于事則思今侯之于民也

分雖有官民上下情則猶父子家人天下豈有當  
父子家人之離去而不思者况侯之德政治于民  
者深且久耶故睹學校之興則思曰黃侯之所以  
教育吾民也念農桑之課則思曰黃侯之所以生  
養吾民也孝弟者被其禮敬則思曰黃侯之所以  
勸我也豪強者被其 思曰黃侯之所以懲  
我也學田置多 之仁經旨傳生徒思  
其啟迪之義余故 愛黎元而比之相鄭  
之子產作興士氣而 之化 之文翁卓魯龔黃  
誠以迭駕而竝驅矣 于公治獄不枉後門閭壤

父老方共治之于公曰 高大其門 令容高車  
駟馬我治獄 德子孫必有興者後子定國爲  
丞相定國子永爲御史大夫封侯今侯父菊山翁  
年躋耄耄以 貳守 郡衢人至今思之猶春  
人也侯仲子去秋舉于鄉今春以魁禮圍入館選  
無非侯善政之報也且侯伯祖寬曾令是邑繼判  
端州所治皆廟食侯之家學相傳信有自矣韓子  
云莫爲之前雖美弗彰莫爲之後雖盛弗傳美而  
彰盛而傳侯之謂也侯去矣民思見侯而不得故  
思見其碑則是碑也不將以召伯之棠萊公之竹



竝芳青史者乎侯名憲清字以憲號雙江甲子鄉

進士福建温陵人

陽春縣學田記

萬曆十二年  
江西右叅政 陳萬言 南海人

陽春縣學田始干兵憲王公為郡守時檄縣尹黃

君相與成之惠也高皇帝定鼎詔天下郡縣

廣置弟員聯之以師儒養之以詩書禮樂復其

身豐其廩餼恩矣未聞置田也茲何昉乎考

盛時濂洛儒輩出講明正學則有睢陽

石鼓麓人學士聚講于其中有

司者設田遊士甚盛典也然道有

陽春縣志

卷之十四 藝文

十七

事有興替非其所聚學非其所學

外學校以私黨背經傳而倡浮言者使躬

實四方書院鞠為茂草院田没于

豪上近採臣議屢詔端士習正文體

務裨實用今釐天下書院而一歸之學

以息邪說舍春花而貢秋實德意蒸蒸

外復得以佐天子育賢才者惟良二千

石乎若我兵憲王公可謂良二千石者其人也公

先郡時歲壬午冬邑民黃裳舉家罹刦賊既

無所歸黃君覈其遺田若干以事白於公公

其遺租頒之黃裳繼父及義男女凡若  
諸田租五百八十四石有奇 四  
四分有奇遂歸陽春學中  
諸生有

言日文 道學校 將 也  
將者使士之 距 而 將 也  
非有投 扶 之 以 作  
然 設有 之

于良有 如超距按幟之 者出  
明時之 皆新其德崇正道以  
明經 士用上不負天 下不負良  
司作人至 之報當垂之奕世不泯也  
爾多士勗哉 爲 南冶 一此特  
一節耳今 西持節憲臺統 萬貔貅之  
六郡良家 環衛執盾干轅門昔以養兵  
者以養士今 所以養士者以簡 旅械樸  
美 豈干城之風遍粵徼矣 多士乎

哉是舉也決策者王公上其事者縣令黃君而府  
倅董君朱君節推唐君均有以贊成之也田既定  
學博羅兆旗朱家相介楊遇時來請記萬言不佞  
誦王公之義樂爲之記王公名泮山陰人黃君名  
憲清晉江人

育英堂記

萬曆十二年本縣尹張文誥溫陵人

萬曆乙酉誥來守茲土甫入治矚顧山川睠盼岷  
黎見其草木翳翳田地廣瀉獠猺盤錯其中斯民  
婦子嬉嬉袖手諸人士博衣緩帶褻然莊誦而越  
吟也迺私心自慰曰所謂海濱鄒魯非耶經亂以

陽春縣志

卷之十四 藝文

十九

後瘡痍甫起噢咻而生全之者吾事也吾責也履  
任來百凡吏務皇皇然惕法之所在豪強必伸情  
之可憫過誤必恤里甲派例毫不染指乃其崇聖  
訓興學校尤日夜所注嚮焉世宗首出神聖闡註  
訓彝敬一箴亭具勒春校炯如矣顧亭宇圯頽日  
久碑箴仆地跡其初址寬不盈丈高不尋尺豈居  
尊體哉誥自捐俸金移建于尊經閣後棟宇聳翔  
規制恢廓詳載學志卽聖訓亦重揭于日月矣青  
衿士瞻依密邇詎不抱帝臣之願哉自崔莫二三  
君科第以來儘百餘年寥寥無聞寧獨其氣化厄

哉蓋亦士風靡也夫士出牧井而序之儒林眸周孔而喙典墳家詩書而人禮樂環橋蓋斌斌已第所望於士者爲其澄慮凝神以嚼道真也乎抑譚枯竹而飾鞶帨也爲其專門遜志以臻理解也乎抑甘跣踵而趨歧徑也邇來天威盪定四疆告靖風氣漸開文運日熾正彙征之昌期穎脫之盛際也爾多士之振作不患于無其時矣文宗作興士類科舉進額稍增于初而良司牧各置學租以充油火諸費爾多士之振作不患于無其人矣子夏有言曰百工居肆以成其事君子學以致其道肆

者工之需也工不可虛此肆學者道之致也士尤不可離此學春建學尙矣獨操觚較擘之地闕焉未講將注厝而作興之者有俟于後人耶誥承乏其地愧無以爲多士倡敬以其事謀諸司訓羅君佐學韓君誥自捐俸金暨諸生緣募共銀二百餘兩與居民賀熾兄弟買屋于學後畔建書房二座東西兩旁數十間前堂曰育英高丈九尺五寸深丈七尺廣五丈五尺天井東西五丈五尺五寸南北二丈六尺八寸後樓高二丈一尺深二丈五尺廣五丈六尺五寸天井東西五丈六尺五寸南北

三丈經營告竣舍宇恢宏爾多士何患于肄業之  
無地哉每月會期六鳩多士較藝其中膳饌紙劄  
支俸辦給爾多士其惟勤毋怠惟專毋放惟耽嗜  
文藝毋玩愒歲月顯科巍第陟要宅樞俾後人撫  
斯堂而命之曰是甲第藪也誥亦與有光哉是役  
也興于萬曆丁亥歲秋九月落成于越歲戊子春  
二月首議則不佞誥也誥溫陵人時掌縣事羅君  
兆旗南海人時司庠諭今遷新昌令韓君懿迪文  
昌人時佐學導均贊勸是舉焉督率程工則蔡生  
應春楊生南垣梁生奕梅生萬達各與有功例得

陽春縣志

卷之十四 藝文

二十一

竝書是爲序

重建陽春縣堂分司學門坊館亭樓彙記

萬曆十九年進士 王 仰 鄂渚人

陽春縣爲古春州環山遶林襟巖帶洞猺氓錯落  
劍犢襍處斯險枳區也明興隸于肇慶聖化孚洽  
賢令撫綏迄于今風氣開人文著朝誦暮習人士  
彬彬卽方之中土曷遜焉以故縮綬而至者輒爲  
嶺表稱最萬曆庚寅西蜀秦君捧檄茲土里甲不  
擾政令無苛一切吏事凜凜然惕茲牛刀小試之  
大槩哉惟視堂署門楹亭樓胥圮敝屑越竊以爲

銳意作新而勞民以力役弗忍也乃捐俸錢若干  
緡益以贖刑之金爲修葺費故者飭闕者興斲者  
聖者斲者藻者犁然而羣工畢集曾不逾年咸改  
觀焉比余奉公春境則見田野沃饒山川翳秀人  
民麗都心竊嘉之士夫父 欣然謁余丐余爲記  
以鐫之石余不獲辭乃言曰秦侯政孚于民福庇  
于邑豈徒爲是粉飾炫耀哉彼其行署則飾縣宇  
則飾大居尊而莊以涖也賓館必修儒門必修儼  
見賓而降作人也至于嚴更漏重表揚則鼓樓牌  
坊以次修葺更陶靖節宰彭澤張忠定令崇陽更

置不知其幾而循良譽迄今不替誠重之也夫移  
風易俗悉自恤民作士中出涵濡漸染儒者遵孔  
孟賈者效陶朱教化浹洽民生殷阜熙熙怡怡有  
不知其自者乎區區營勅之政猶其小焉者耳今  
天子總攬萬幾綜核名實異日者秦侯政成躋膺  
仕炳華樞功垂九埏聲施奕禩今日之堂館行將  
觀之若甘棠餘蔭矣秦君其召父乎陽春其南國  
乎遺風流澤千載一時此其券云秦君名劉允別  
號麟臺壬午鄉進士西粵馬平人

王侯詳止開鐵碑記

崇正九年吏部員外郎

梁應材

邑人

管子曰山澤不救丁火草木不植其成溝瀆不遂于隘五穀不宜其地國之貧也牧民者亦務明其幾之所自伏而使之無弗救焉弗殖焉弗遂弗宜焉而民治矣吾春萬山環峙接連灌水高涼而距郡遠地僻民淳殆有古遺風邇來奸民視爲利藪有大害者三隱憂者一欄下牛餉他邑所無春則有告承者矣強盜扳良他邑所有春則有甚焉者矣牢頭酷虐他邑或有春則有恣行者矣識者以爲地多棄土賦有逋亡職是之故非得賢令曷以燭其源而瑾其竇耶太倉王侯來泣吾春余待罪

銓曹聞侯政聲盈耳闢雲路而土路興置器械而守禦備所稱牛餉之害則慨然捐公費抵補之扳良之患則獲盜卽審株連者悉赦罔治猶慮黠囚之指使也建輕監以隔別之禁卒無食之不可久也捐俸百金買田養贍之舉向時積弊一朝悉除盜息民安方廣樂只無何而移爐煽鐵之事起矣奸商陳盧興串土宄張孔德湛仰池假別宦名色煽呈當道欲取鐵於邑之鸚鵡山夫國家鹽鐵之筭關夫軍興然必深山窮谷礦木俱盛無害於民而後可若陽春之山不但從來無鐵卽彈丸五里

豈堪供此焰列耶檄下之日士民洶洶呼籲無從  
侯乃進父老而慰之曰爾民無恐憲檄不云乎果  
否無礙於民無傷風水期於妥便則上臺固自留  
心於民瘼耳盍請於是紳士里民有八大害之陳  
侯猶以未履其地未悉其害集父老躬詣山場度  
形勢則鸚鵡邑龍脉也山之林木兩都民田水源  
也權利害則人民錯居墳墓雜著土焦水涸蹂躪  
鬪格此禍機之可見而有形者也孤城無餉無兵  
勾孺生亂盜賊繁興此禍機之內伏而無形者也  
誠所謂隱憂也侯爲之列四不可上於司理阮公

轉詳報可仍捐俸給山價原主撥田入學爲歲租  
永杜奸謀四民懽呼咸思勒石以識不刊適余以  
抱病請假歸里驟讀移爐詞汗幾浹背及見侯與  
諸當道覆允之文始手加額爲春民賀蓋民之困  
於牛餉盜扳後之君子卽神明未必如侯猶或能  
遏其橫出之虐獨鐵爐一開山澤焚矣草木枯矣  
溝瀆涸而五穀敗矣且夫開山煽爐實繁有徒彼  
夫亡命生事釀亂焉有旣耶茲侯以鼎力冰心潛  
消禍萌俾室家婦子獲有寧宇田園廬墓安堵如  
故伊誰之賜卽將來坐堂皇而拊綏樂郊之氓又



誰非侯之垂休燕及乎此其功德又在抵牛餉設  
輕監禁供扳與夫繕甲兵建練場之上也昔零陵  
之復乳穴桺柳州記之爲其便于民也乃毀一象  
祠辯一息壤何與民生事而亦諄諄勒記毋亦以  
能使人心不惑則功在不忘况侯爲春興不朽之  
利革無窮之害哉侯名魁春號宇皆南直太倉州  
人

重修明倫堂記

國朝邑  
司訓 劉士課 新會  
人

春邑學宮之有明倫堂其來舊矣歲久不修遂多  
頽圯牆墁剥落椽桷朽蠹簷瓦之飄墜階下者堆

積而不除官司之環集生徒之聚議于斯者幾無  
以蔽風雨康熙二十一年予與司教張君忝居學  
職大懼堂宇不修何以肅觀瞻起惰廢于是進諸  
生而謀之遂以告于縣尹祝侯侯留心學校先是  
旣捐俸葺廡櫺星禮門義路諸處俾宮牆復輪  
奐之舊矣至是益捐貲復繼以罰鍰邑之紳士罔  
不樂助予二人亦分減苜蓿共勸厥美庀材鳩工  
蓋瓦之缺陳者易之牆墁剥落椽桷朽蠹者盡更  
而新之黝堊丹雘煥然改觀由是官司之所臨泣  
縉紳先生與諸生之所處前有宮牆之壯後有堂

宇之邃松栢挺然旅楹閑然當必有顧名而思以  
無負

朝廷設立學校修明人倫之意者是役也前後董其事者邑庠梁生焯殷生鼎柯生日宣胥昕夕不懈其屬工匠課章程則殷生之勞居多焉祝侯名利見浙江處州麗水人教諭張君名文明廣州新會人紀其事以詔後來者訓導劉士課時康熙二十有二年仲秋之吉

遊崆峒巖記

濟陽知縣  
劉裔烱  
邑人

吾春崇石林立石多穿洞其最奇者崆峒巖以其

陽春縣志

卷之十四

藝文

二十六

嵌空玲瓏且有洞穴因而名也余韶年逐侶遨道陟孤峯臨絕壑盤桓終日輒飄飄欲仙然于曲折處久而漸忘己未秋予復與梁子藥亭屈子本庵逍遙其間則見石壁陡峭巖勢穹窿溪澗凝蘚霄漢隱虹藤蘿上覆穴溜下通高巖之半洞開一穴東西透闢深廣數十丈空靈超曠可容數百人有怪石嶙峋橫欹洞口半懸山腰水痕瀆碧斑駁異態中擎二柱積累而高形極奇巧其覆石倒垂似人物山水狀幽峭甲于他洞懸處常有水滴輕風飄之若雪花繚繞下散巉巖玉筍纍纍不絕所稱

玉乳者也其最高者曰第一峯巘岼峿律羣峯俯首儼朝宗焉登絕巘則見銅石巖潭西巖石窟巖近則數里遠則數十里咸羅列襟袖間憑高遠眺白雲不飛烟光欲紫撫茲勝槩洞心豁目緣蘿而轉爲青雲路嵐氣吞吐與旭光相亂碧綠萬狀微雨則雲從地出霏霏撲面而去旋折數十武卽獅子巖石磴錯落星列碁布如金毬銅頭黑白相間其上爲文昌閣野花絢郁紫氣照耀巖洞洞上有橋橫度兩壁上下空曠正而直平而潤寬數尺長三丈許日登仙橋洞前石畔下有芝床平鋪如席

床厚僅尺許其下虛空床皆作芝草形後穿一洞尤極幽邃秉燭始能入白石璀璨如金銀瑩淨而常濕有石花如蓮蕊其下有泉滃滃然澄潔可鑑泉際石形宛如螃蠏足背俱顯左側有瀑布石罅飛湍龍涎作雨望之如素練其下有龍井深不可測溜泉時滴過之微雨沾裾寒威逼人右有懸石二叩之錚錚然逢逢然其聲相應遊人目爲石鐘鼓徑仄石劍攢翳西枕奇巖有洞如門闕攀緣而上仍可外望所云有金膏銀液靈芝玉髓處也余與諸子螺旋而上履滑窮幽搜訪古蹟如望蜃樓

如遊蛟室頃之虛谷傳響萬壑龍吟如遊鈞天如  
聞廣樂塵心頓空形骨俱換洵洞府之神宮九天  
之玉宇也乎使茲巖得近中州騷人逸客吟賞其  
間當與洞庭西湖鳳臺燕磯爭奇角勝何至苔埋  
菌積不克大著於天壤間哉自古神皋奧區每因  
人而著余非能爲茲巖重者顧靈奇怪特實足以  
傳故爲之記

第四崆峒山記

肇羅道

彭端淑

丹陵人

陽春於肇慶爲屬邑余嘗巡察其地升高以望雲  
靈天馬丫髻鸚鵡諸山四面環拱巒岼萃嶺烟雲

陽春縣志

卷之十四

藝文

二十八

渺靄若海上三峯可望而不可卽近郭十里怪石  
離奇稜稜千仞其最勝者莫若崆峒巖考舊志巖  
固有洞迤邐幽邃前後有光中有飛泉飄洒長橋  
空度天柱高擎芝牀平布瑤草瓊花金膏玉乳懸  
鐘列鼓龍盤虎踞蝙蝠如鴉倏散倏聚又有廟宇  
森嚴亭臺聳峙遷客騷人留咏於此予方思一遊  
爲快而因公未遑遂使當前失之其可慨也已邑  
令姜君山涖政之明年政通人和以其暇登斯巖  
而異之闢其洞門稍加修葺隨勢布景數月落成  
乃繪其圖以問叙於余且請題其名曰第四崆峒

山世傳黃帝問道於崆峒其山在汝州臨洮安定  
因之以名今此巖靈奧不減諸山焉知其先不有  
如廣成輩棲托其間耶余旣心慕之而不獲一遊  
而又嘉姜君能理新之不使一邑勝地委諸荒榛  
蔓草中亦賢有司之事也遂不辭而爲之記抑韓  
昌黎爲太原王公作滕王閣記自云欲登其閣而  
願莫之遂其後移刺袁州南昌屬邑又無一事可  
假而行記雖成常以爲憾其事殆與余類云丹稜  
彭端淑樂齋氏記皆乾隆二十一年四月朔日也

重修城隍廟記

本縣尹 姜 山 單縣人

陽春縣志

卷之十四

藝文

二十九

陽春城隍廟建置自前明迄今興廢迭易隘不壯  
觀非所以答神貺也泣茲土者率因循安之豈廢  
興故有數耶抑有所待耶歲甲戌七月余來知縣  
事下車瞻拜已怦然心動迨後雨暘虔禱無不響  
應興修之志愈難已旣念余治春有年維士與民  
俱以余無繁苛頗稱相安余捐俸首倡猶不欲以  
此舉擾吾民乃邑商候選州同朱文讓等連袂前  
曰舉大木者呼邪許商爲之易事也商一十六人  
各樂助錢一十七千於是鳩工庀材筮日興修新  
者創故者飾斲者聖者斲者藻者犁然畢集易舊

以新無不葺洽神像亦一新之曾不踰百日咸得  
觀成焉是役也經始於丁丑之春三月落成於是  
歲之秋七月首議則不佞山也

陽春縣那旦館舍記

明經 呂 伊 錢唐人

大司徒遺人之職其爲都鄙郊野之次舍者有十  
里三十里五十里之分有廬有舍有候館之別有  
飲食與委積之時蓋司空平道路圻人易宮室居  
者行者俾各得其所聖王之制則然也那旦之地  
彈丸耳有捐建橋梁之余雲昇而復有捐建館舍  
之陳宏士夫雲昇之建橋也爲行者計也是司空

陽春縣志

卷之十四 藝文

三十

之職舉也宏士之建館舍也爲行者計而兼爲行  
者之居計也是圻人之職舉也一地而得兩人焉  
風何古矣古之爲循吏者其所爲謹關梁修堤塞  
繕完公私傳舍之頓宿者豈皆其人自爲之亦必  
有如陳宏士者爲之爭先恐後故於今傳循吏之  
績於不衰向使有建橋梁之雲昇而無建館舍之  
宏士荷擔而露處已耳烏能節勞逸而備蓋藏哉  
嗚呼一葉可以知秋一斑可以窺豹春邑之民倘  
盡如宏士之急公好善者乎觀於鄉而知王道之  
易易其說爲益信矣

增建瑞雲書院記

方縣尹

王鵬翥

山東人

春邑之有瑞雲書院也其始爲育英堂前明邑今張君文誥所創建也後更名聚文樓而增飛雲樓於其後久而圯又改聚文樓爲瑞雲書院其地在學宮後說者以爲鬢宮後鎮云歷年延鄉之先進爲之師如林聞譽譚予芳王獻猷諸君子皆知名士也春邑古稱瘴癘區風氣樸陋功業文章之士亦不多槩見自崔莫二三君相繼登賢書嗣後科第連綿人文之盛駸駸日上庚午春余來守是邑先後聘邑孝廉譚子敬昭劉子世探主講時與諸

生課文藝講德行 爲有體有用之學諸生蔚然日新發名成業者接踵而起如馮子秉箴之舉於鄉李子才紹之雋於選士皆卓然不可限量邑之士君子因舊宇之隘慮來學者無所容也思擴其規模來言於余余謀諸司訓李君煥猷岑君理爲引言勸捐紳士商民踴躍從事癸酉春諏吉興工僉以

崇聖宮垣宇窄狹不足昭恭敬且在鬢宮外于祠事不便因移於鬢宮後殿以崇體制而以其地爲大門高一丈六尺廣三丈六尺七寸深二丈左右

房四間中爲講堂高二丈廣三丈六尺七寸深三丈左右房二間後爲文昌樓因前縣李君永青所建增葺之高廣悉如舊游息之地藏修之舍庖湢之所莫不備具甚盛事也越夏五月工將竣予適以病請去諸君子求記於余余惟書院之設與古鄉學相類化民成俗莫先於是宰是邑者均所有事焉今旣資衆力以有成而課士之規修脯膏火之所出次第籌畫請以俟之君子余復何敢與知獨念士之所以爲學凡以學爲聖賢非徒學爲舉業以弋獲科名已也而道之顯者爲文因文可以

見道必有得於道乃可以發爲文詩書六藝聖賢之文卽聖賢之道聖門四教文爲之首文章性道理本一貫故昔人論學文爲身心性命之事知言養氣居敬窮理胥於是乎在有學爲聖賢功夫自有立言應舉實際以是爲教以是爲學士習何患不端人心何患不正民風又何患不淳余承乏三載知是邑人才之可與有成且期以遠大額其堂曰志在聖賢並約舉爲學之要以示諸生俾知所從事是役也余倡其議李君岑君贊成之而督率經營則林君宣鐸李君家翰何君廷贊鄧君錦中



馮君秉箴之功爲多云

建修陽春學西齋記

邑司訓

陸樹萸

信宜明經

嘉慶丙子萸部選承乏于茲年踰致事矣家有郭外田足自給課孫讀可以娛余胡爲來哉顧念先君子曾司鐸于潮又以所學者欲與諸君子一質証焉勉于行非久計也旣蒞事見學署二進棖折瓦毀內堂後牆一帶斜裂爨火前薰外堂屏盡朽左右牆牖風雨剝落岌岌動搖旁廢房一間業傾圮矣署故隘加以破漏無函丈從容地乃自捐貲就旁平基建屋三進進三間內外所需備焉繼工

陽春縣志

卷之十四

藝文

三十三

正署易敗牆更椽桷修屏門新聖壘中增甬道以廣內堂前移窗檻以廣外堂凡十逾月落成于是與諸君子講習其間或謂余曰官署猶傳舍也學署猶冷舍也是以前之人莫之爲今子爲之若非旦夕謀然自爲乎爲人乎余曰天地逆旅光陰過客由子言椎之莫非傳舍也且夫人身之所處本無分久暫自常人視之或爲虛或爲實自達人視之則無乎非虛而自君子視之又無乎非實也素其位而已余位在敷教未之能也而願爲之基爲所當爲又爲所欲爲則必慊于意而後已焉若夫

基在勿壞器不徒存余髦矣將愛吾廬後之來者  
以爲傳舍耶冷舍耶乃卽語或者書以誌斯署

重修來鐘寺碑記

邑庠士 楊開鼎

北河地高而多山其流清而駛劃厓越谷底嘯天  
龍嶺下始就平夷而松柏水角諸溪從東而注石  
岡之水又蕩漾西來合流屈曲紆縈七八里復折  
而南與灣口長溪所謂西河者滙而爲一復遷遲  
東南行至合水以達漠陽江方西北河滙之處旁  
有一岡隆然起於原疇之內若頽而臥若蹲而伏  
若濯足於清澗而礪齒於寒流也上有來鐘寺幾

成古刹矣每當雨歇西山斷虹猶掛曉鐘撞罷扶  
欄決皆見夫雲水空濛巒無缺絕乍聞柔艣一聲  
揭霧而出半葉風帆掠簷而上下南望則松竹飛  
翠禾麥盈阡瓦脊鱗次晨午炊烟如萬縷白雲蓬  
蓬混碧中東則山勢蜿蜒奔注大溪迴首屹向環  
以石峯削劣衙排天半如貴臣執笏朝闕如大將  
罄折階阼雄渾之勢令人愕然下視至若日角銜  
山霞光倒影爛如濯錦澹灩扉宇蓮漏欲下鯨魚  
送響漁燈數點散布於灘灣村落間如五六月流  
螢綠綠草薄幽篁倏明倏滅陰闔陽開瞬息萬態

則豈非都邑奇秀之氣鬱結軒豁於其間耶無怪神之棲斯土者靈如響應寺之修而復圯圯而復修遠近瀝誠也乃前之人一空所見名之曰來鐘者何哉夫鐘氣應兌秋鏗銅鏜鞞非若絲竹之清泠石磬之激越也而何以名耶白虎通曰鐘之爲言動也語云暮鼓晨鐘令人發猛省與釋氏覺一切種智復能開覺有情之旨相似則前人所爲振聾警瞶喚醒塵世夢夢者意在斯乎若夫樂音嘹唳夜半飛來其說荒誕不足信歲丙子秋仲復因故爲新旣堅且好董其事者力倡善舉並分其貲

築修新塘路之石橋是役也與前人勸善之旨實有合焉不可以不記庶後之人亦將聞其聲而感發也

傳

謝孝子傳

劉裔烱

謝孝子名梓春之南鄉都輪水村人也少失怙甲寅秋七月鄰邑賊流劫輪水孝子時年十六出就傳於塾聞其母蘇氏被擄卽趨歸願以身代母賊威以刀鋸加之鞭撻孝子受之恬如也母得脫歸百計謀贖孝子而四鄉皆凋瘵稱貸不足孝子益

被賊捶楚危甚顧賊有憫其孝而不忍加害者居數月陽江尹孫公廷鐸嘉其孝捐俸金助之贖賊有仗義者曰彼異縣耳尚憐其孝吾儕雖走險獨非父母所生乎釋之然孝子艱苦備嘗僅奄奄一息歸見母猶勉爲矯健狀依依膝下盖不忍以代母之故貽母慘傷也不數月孝子病不起仍托以他疾其用心亦純矣夫孝之至能感鄰邑之賢宰官而生其敬愛能格萑苻之兇黨而動其慈良可不謂至誠感通者哉噫始以身代母而母脫于難卒能保身見母而相依數月求仁得仁孝子亦可

以含笑于地下矣夫啟手易簣大賢之懿範刳股刺血至人之獨行乃子母生死相代未有若斯之誠切者是豈得于學力耶其天性然耳詩曰誰謂荼苦其甘如薺孝子有焉於是作長歌以慰之

謝烈婦傳

劉裔烱

烈婦李氏春之南鄉都岡尾村李其華女也年十七歸輪水謝槃僅二載甲寅秋輪水被賊刳掠李散髮毀形匿深溝中賊搜獲之李引刀自刎血流遍體賊急奪之不得死李復嚼舌唾血賊面訶罵百端賊遂殺之而李氏得死所矣噫惜哉夫女子

曷嘗讀書識大義而能臨難不苟轟烈死節視綱  
常爲重視一身爲輕是其得天地之正氣直與古  
之忠臣烈士並垂不朽迨賊颺去其夫歸憫其貞  
烈殯之近村岡麓朝夕往哭之塚上有榕二株數  
月而樛柯交互成連理焉其夫每往則見一鳥悲  
鳴樹上若有所待夫歸鳥輒飛去得毋貞魂不滅  
依依芳樹者耶噫異矣使李氏生爲男子出而任  
家國大事遇盤根錯節時必能殺身成仁流芳史  
冊不幸而爲閨中秀僅能全身死節泯沒無傳不  
誠可惜哉雖然今日賢司牧採風紀之邑乘播之  
雖生亦奚以爲

陽春縣志

卷之十四

藝文

三十七

謝方端傳

翰林編修

馮敏昌

欽州人

古人具不朽之三則可以信今而傳後男誠有之  
女亦宜然如陽春劉節母謝太君者爲才女爲節  
婦爲賢母固赫赫在人耳目間也豈非具不朽之  
三可以信今而傳後哉其父仲坑爲吾粵名解元  
筮仕大湖南北有青天之稱以歸州盜案堅不會  
印事上達

守永州署觀察直聲震朝野太君其長女也名方端

別字小樓幼失母依父宦遊聰慧善讀二三過輒  
記誦不忘其父甚鍾愛之授以聲韻之學初好填  
詞後以爲非正聲乃耑學詩得性情之正著有小  
樓吟稿膾炙人口所謂才女者非耶長適劉君宗  
衍劉亦能詩有琴瑟倡酬之樂初艱于嗣陰爲夫  
蓄姬妾時論賢之其後舉子方三歲夫遂見背冰  
雪操持撫孤成立鄉鄰遠近咸敬禮焉真節婦也  
其教子也夜紡授經四時不輟故其長子世馨字  
薌谷詩文瞻博名噪嶺海少卽見知于翁覃溪錢  
辛楣李雨村三學使初薌谷以母詩稿呈辛楣先

生深加歎賞先生旋以憂去其後雨村學使序而  
梓之今二十餘年鷄林賈人皆傳誦矣余與薌谷  
遇于京師不久卽以思母南歸就教職迎母就養  
官署一時門下士皆執贄來謁求學詩太君咸爲  
評點時比之宣文君云太君能強記通鑑綱目晚  
間無事輒與兒輩論哈上下千古而又勤于課孫  
有孫士犖髻年能詩文爲姚秋農殿撰所賞識雖  
其子若孫克承家學亦太君之庭訓使然也稱之  
賢母良不愧爾夫古之閨秀如蔡文姬謝道蘊之  
流非不才華炳耀而節與賢無聞焉惟太君兼而

有之信夫不朽之名可以信今而傳後矣歲壬戌  
余廬居在籍薌谷適以奉調烟瘴爲欽師與余樂  
數晨夕時太君年八十餘矣薌谷旋即乞養歸里  
諸生送者盈道路余聞之由鄉追送三十里並爲  
太君作是傳蓋嘉薌谷之孝而更重太君之生平  
爲不可沒也

頌

王方伯平流寇頌

并序

明邑  
孝廉

楊鳳鳴

崇正五年壬申六月流賊實繁有徒竊發羅定  
焚劫于分界地方一戰而敗把總再戰而敗守

陽春縣志

卷之十四

藝文

三十九

戎敝邑戒嚴士女震恐走陽江走新興走郡城  
惴惴然無以自定已而賊入陽春駐白花塘攻  
大垌石寨不下夜渡中步蹂躪松柏一帶孤城  
斗大環列層巒兼之無餉無兵懸絕郡南數百  
里外緩急未能呼應勢亦危矣設非兵尊王公  
曉暢軍機指授方略縣尊柳公雖慷慨臨戎誰  
能憑藉勝算率子弟兵以生獲勾賊之元兇擒  
黑旗之殺手使賊駭怖而走李叅戎遂乘其勢  
殲之龍灣縛渠魁而肅清報捷哉此一役也九  
連餘孽莽伏不可數計方其刦分界時土人叱

以新制府已于某日涖鎮帳下虬武如林行將  
殄滅汝賊懼天討必加螳臂難逞附從者陰散  
去既入陽春境則王公已破格懸賞立功贖罪  
一時脅從者翻然效順並榜示某兵從某路入  
賊以是氣奪而中疑兵法所謂多方以誤之先  
聲後實一從枕席過者也賢于數萬之師遠矣  
鳳鳴時以桑梓事急募嚴獻之嚴禮正黎巨宇  
諸人率壯丁如雪夜之入蔡州擒賊吳馬雖不  
敢言功顧知賊勢甚詳與王公之制勝最奇而  
流恩甚溥當李叅戎之出師也拜于祖道曰無

妄殺以殃子孫所以敝邑澤有哀鴻野無燐火  
離兵戈而登衽席也風鳴筆乏班椽然不能已  
于揚厲故爲之頌曰

聖主乘乾文武爲憲外恬內熙金甌永奠荒闢羅  
旁結椎不變烽燧一傳疾于雷電旄頭夜犯分界  
戈橫禍流敝邑草澤震驚金湯肅若子弟連營籌  
資元老人倚長城濯濯王公位尊兵使寇在門庭  
軍興難已書上繡衣捐金賞士誰與登壇臨淮李  
子七星祭馮震疊攸同牙旗祖帳九頓元戎陽春  
衽席手造惟公曹彬劍履奕業彌隆藹藹好生流



于肝腑闔外同心嚴明旗鼓一戰龍灣彰其神武  
殲厥渠魁閭閻安堵兵來陽電勢比連鷄戈船習  
戰甲鎖沉犀水軍陸地紀律難齊憑依勝算左挈  
右提四鬯鴻靈肅清小醜豈是材官經營奔走尊  
俎運籌風生細柳殘喘九連勢如拉朽軍中露布  
政遇貴陽熊公開府武庫清霜羣兇面縛鑕伏鴟  
張上聞封事再定遐荒浩蕩天恩篤吾西嶺兩借  
重臣軍容常整一出旌旗烟清萬井草竊餘生翻  
然自省兼之不殺武以止戈昭蘇雨露沛若江河  
耕桑無恙酌酒賡歌堯天舜日樂職中和司馬統  
兵虛心前席平寇論功偶與相適頗牧禁中股肱  
應藉去矣東人空懸赤舄總爲國計社稷大臣相  
歡魚水到處陽春平臺召對謀畫密陳邊崇節鉞  
閣畫麒麟

銘

西山銘

并序

嘉靖十三年廣  
東提學僉事

田汝成

皇帝踐祚萬宇寧謐南蠻弗靖騷于海隅憑負  
谿洞推魁保好以張徂贊一州九縣咸罹其痛  
時惟兵部左侍郎兼都察院左僉都御史陶公  
諧祇承明詔宣誠運籌征蠻將軍咸寧侯鳩詰

兵戎奉颺天力迺十有二年正月徵集兩廣梟  
士益以士兵義旅爲師六萬部爲三軍乃掄三  
事大夫將軍之良署爲偏裨申令紀律經度馬  
步險易咸有成畫諸將受命豫而不愆三道竝  
進薄于西山之阻剷芟巢窟昏校以搜取其渠  
魁以作京觀四月移師東山暨于南鄉蠻獠惕  
息虔慄頓伏願完妻子進比華人于兩山之隘  
夷爲大途商旅通行馬牛宿野皇帝休嘉議功  
褒異將校羣吏願刻山石以紀鴻號提督公讓  
弗許咸有退言蓋聞漢勒燕然唐銘劍閣鬱而

弗紀是使皇明之隆掩于前烈也敢固以請公  
乃許可命汝成緝其事而爲之銘是役也中軍  
則僉事黃澄都指揮僉事李森左軍則右叅政  
祝續左叅將程鑒右軍則僉事鄭允璋都指揮  
同知高睿督餉則左叅政徐乾紀功則僉事吳  
大本綜核諸務則巡按御史周煦銘曰  
百粵之墟時維絕壤獠獞生焉擾雜虺莽棲崖伏  
壑不可羈鞅殘我邑閭遂剽公帑皇帝仁聖化洽  
軒虞欲竝生哉擯而弗誅彼頑罔悛益驚而悍藜  
苞蔓棘以速剷芟皇帝神武眷我炎州旬哉宣哉

孰綏遠猷乃命司馬暨于元侯爰整爾旅南國是  
柔大憝有慝毋殲脅儔桓桓司馬秉忠無競烈烈  
元侯臨事而敬乃作三軍以申皇命無縱無貪惟  
爾共令桓桓司馬烈烈元侯授任嚴明罔敢不邁  
三軍作氣闔如虓虎超山邁谷無煩鼙鼓孰作高  
山超不假翰孰謂谿深折葦以斷蟻附蜂屯一駭  
而散巉巖狡窟闢爲虛 搜剔叢奧獲彼鯨鯢衿  
甲面縛夾斧以來穴胷剗胄披其體肢有降者醜  
字其妻子司馬有令毋淫功首萬乘無譁罔敢先  
後乃暨元侯躬歷坵畝呻吟瘡痍開釋穉婦粵人  
載喜如醉之醒牖衷孔明彼逆而死我順而生惟  
二公之仁達于帝庭粵人有言亂不可嗜各保爾  
領母越天軌作善 生作 者死惟皇帝之法視  
此銘記

崆峒巖銘

并序

國朝

劉裔烱

石之質堅近于頑冥不靈者也乃不假穿鑿而  
空靈超曠嶙峋怪特豈非天造地設者耶問之  
天天未嘗有意而爲之也靈者得之而靈頑者  
得之而頑自取之耳說者謂物之堅者可空可  
靈而脆者必頑必塞理或然耶練道修真之士

必選勝于崆峒以其堅也以其空靈也爲之銘  
曰

春州之石林立成叢卓然表異厥有崆峒何以異  
之嵌空玲瓏何以致之鬼斧神工惟空斯靈惟靈  
斯通伊昔廣成實符于中彼何人斯爲之則同

慧石銘

尙書  
曹秀先 新建人

疇其汝喝孰爲汝鞭靈巖不闕良會也天當門當  
路於汝是譽一躍三百豎立回淵萬口驚異良地  
獲遷銘之遇我慧石其傳

詩

陽春縣志

卷之十四 藝文

四十四

五言古

春州雜詠

國朝  
劉裔烱

南山伐戰鼓北山揚旌旗  
猱氛銷蕩盡永鎮海天  
陲樂矣太平民千秋保恬熙

旗鼓山

試問鳳凰山鳳凰在何處  
翱翔似下來騰舞却飛  
去神物不世出隱見惟時爾

鳳凰山

匹練掛山巔皎皎如飛雪  
盛夏凜餘寒迴風灑炎  
熱譬彼素心人時污不可涅

白水山

鳥性號能言如何默自守  
言者禍之媒金人緘其  
口堪羨鸚鵡山其默永無咎

鸚鵡山

澄潭訪臥龍雲深潭幾折龍潛潭水清龍起雲雷

決山前耕鑿人長歌忘歲月龍潭

清濁既分判精華見巖穴寒溜浮空明巨石羅曲

折丹青筆雖工誰能寫奇絕雲森巖

誰將玉洞虹化作危橋鐵嶙峋起玉柱繚繞垂彩

纈坐久毛骨寒恍如在冰雪石

何年鑿混沌莽蒼烟水結初深旁轉更高

潔靜聽寂無聲寒嗚咽潭西石

石屋隱扉不蒼岷留龍

蛻日暮聽樵歌邱壑有同契石

陽春縣志

卷之十四藝文

四十五

崢嶸洞府虛元氣窺無拄疑有神空曠悟名

理快哉石室遊恍遇洪厓石角巖

春州崢峿巖翰林葉藩錢塘人

連山如蒼濤迢迢走千里媿孀為殊峯彼姝宛在

泚玲瓏勢欲翔橫側態殊詭中穴崢峿巖瓊樓嵌

玉卮日月駐壺中煙霞生洞裏曠觀今古情冥悟

鬼神理萬象籠自然紛紛詫形似此中本無物恍

惚遊太始層雲滃欲來枯泉靜謀耳吾徒真好

摩崖紀史氏曹地山給事先遊此巖大書

遊崢峿巖吳侍讀巖字勒之石壁番禺學博莫元伯高

我聞古崆峒云是笄頭山何年挾風雨一  
蠻春州城南江一路雜茆營窿穹拓巖壑兀立  
元關深洞架高屋日月栖其間虹梁白晝落乳  
生衣斑隱隱洩靈閼久立凝神顏憶昔混沌初竅  
梗巨石頑何人感至精霹靂驚塵寰仙跡一朝顯  
遊屐紛追攀夙志契冲淡及此半日閒來問談道  
人悠悠雲往還

舟中望順陽諸山

莫元伯

漸入順陽境巖石發奇狀點點散平野面面削青  
嶂崕屺撐虛空嶽岑逞天匠逼仄怯梯磴矛戟怒

陽春縣志

卷之十四

藝文

四十六

相向牛行石穴中樹臥巖頂上惜無康樂叟絕迹  
窮幽訪何當蠟兩屐雲邊發高唱

望中步諸山

莫元伯

衆山聳神秀兩岸堆藍青散作碧蓮花朵朵開南  
溟或如古帝江混沌藏其形或如羚羊角雙峯摩  
日星或如南極龍蜿蜒遊天庭或如獼鹿蜀斑駁  
眠郊垆或如一足夔獨立風雨冥或如九首龍側  
目生雷霆凡諸象所肖造物羅神靈對此當臥遊  
如讀山海經豈必慕遐尙高步窮巖扃

遊冠溪

戶部主事

譚敬昭

邑人

城中 城外山水幽城中塵土 與

得 見山 掉頭 石病 泉

瘳春風 我 輕雲走長 如

隨流 舊 重此盟鷓鷯有石不

泉不可舟誰云小潭下轉石砮靈湫雷公

長嘯驚潛蚪我來久忘形欲去仍復留澄心對淥

靜 目觀浮漚蒲根無人採桃花無人收孤芳但

自賞 誰與儔山中綠毛仙顧我雀躍遊問之

笑不言風 颼颼

三月二十二日遊通真巖 有序 譚敬昭

陽春縣志

卷之十四 藝文

四十七

嘉慶九年甲子春三月二十一日歸自石岡

青山過黃坭之坂至石龍灣遂宿焉故人蔣生

主東道客舟春夜縱言邱壑蔣生乃述銅 之

勝所謂劉仙棲息地也始從舊聞豁如創獲延

望靈皋耿耿不寐殘夜披衣凌晨振策乃以二

十二日駕言崇朝舍津而塗五里芳郊綽有

態風禽送音春蟬競響天 爽發石泉

未至先神往焉穿林

梯雲而上洞門蹇闕循磴右 可

幽闕石氣青蒼大石倚壁側立緣徑

一割無始無終相傳自千仞壁下墜者豈伊天  
工驅策神力以爲茲巖蘊靈寶耶石下嶽巖一  
片蒼玉盤陀具體則劉仙唱歌石也滑膩如拭  
摩挲卷然遂偕友生作團圞坐對面壁隙潤徑  
三尺乳懸可捫承以露梧輪郭淨飾縝密溫潤  
天然自嵌如鑄如生匪甄匪陶而乳水微注宛  
若壺漏涓滴不盈振古如斯則劉仙水鐘也  
水石  
鐘容半合正圓潤滑色如宣瓷大如茶甌外微  
缺一痕天然嵌石水冷徹骨夏不溢冬不竭旱  
潦不改而底無隙具化  
工而無端倪是不可解 聞尙有劉仙績麻籃在  
峯頂人迹莫至想當然耳左右巖室不深蓮座

隱見西構房廊當窗外視衆綠如染其上多石  
燕依崖而巢聲若蝙蝠搏身齊翼亦異凡族遺  
翎飛溜翩翻紛綸凝睇緣崖深造幽遠旁多暗  
室元妙靡悉上多宋明以來題名架棧爲廊廊  
前摩崖則周濂溪遊碣在焉碣右二尺許得宋  
熙寧時許彥先記始知巖以通直名由來舊矣  
而志乘失載徒使碧澗銅陵嘉名不彰謂之何  
哉又上爲劉仙巖通觀音巖巖廊倚空下眺春  
碧江峯雲林歷歷送目遠帆出沒彈指天際而  
近見平疇濠梁交暎運掌可數也百尺懸崖倒



垂仙藤翠蕤盈尺同條雙葉弄影迴風望不可  
卽聞之故老蓋雙葉連莖冬春不彫不增不減  
造物者奇耶仙靈者戲耶草木者無情耶無情  
而有情耶吾不得而知也吾所知者亦謹爲故  
老言之劉仙不產于陽春仙經所稱白石山女  
仙劉三妹者是是爲西粵貴縣人以善歐化粵  
俗 人至今祀之以 歌仙唐景龍間嘗與朗  
白鶴書生張偉望歌而善同聲同心遂締仙  
侶亦靈仙而有情者也暫 萬里少別千年靈  
蹤步虛亦集爰止安知不爲陽春高歌倡和雲

茲巖幽靜靈通朗秀呼吸陰陽吐納元牝  
則於仙居宜信劉仙棲息地也而遙遙古今屬  
無聞遂使仙心寥寂睇然傷之其在于今果  
此否時往來否或樂此而忘故都否或夫  
免有情亦未能遺此來自東而養而顧否或不  
忘故歡携手翱翔升雲曲房悠悠將將遊戲無  
千春萬秋靈飛無閒否其情狀又不可得而  
知也 故老幸教之惟我友生共 之又  
中人語云每歲花朝爲仙生日覽揆之初 百  
花共命惟時歌舞降神雨暘響應仙乎神乎其

有道者乎仙之果樂于斯而歌于斯乎天問神  
契縹緲窈冥未寓予心將爲迎送神絃曲授諸  
髻朮歌以娛神蜚騰天聲病未能也以俟異日  
聊爲是詩以寄欣慕凡千一百言良以仙山匪  
今而未覲佳作爲長言之猶恐不足靈之來兮  
願誠悖之先達解玉佩以要之

我懷還山吟征雲去相逐隨風度青山遂過黃灣  
宿越人褰翠被爲指前峯麓雲月蕩清暉遊仙夢  
方熟侵晨天氣佳川光日華燭相將乘雲車靈景  
弄春旭林    天聲野水迴風穀萋萋采薜蕪茫

茫醉醺醖銅陵忽當前崖烟沒人足雲芝紛翩翩  
石華靄攢簇青霄垂蔚藍仰見瓊臺矗信步穿明  
嵐空香撲巾服冉冉躋雲端旋旋入山腹山陰下  
飛石斜倚壓坤軸想當驅甲丁月斧摩天劊千仞  
落無垠張弓彈輕鏃一綫補天光低頭不敢觸歌  
臺慶陰陰盤陀水蒼玉咫尺乍陰陽斯須變寒燠  
龍口開呀呀鵬翼展翩翩右脇一滴泉中藏三萬  
斛懸流不盈尺華池不盈掬天工製銅壺神漿貯  
奩盪元牝閼千齡氛氲自膏沐石燕構雲房將雛  
繁羽族雙棲爲鴛鴦餘聲亂蝙蝠羽化同飛仙靈

泉飲其福仰之令人羨短翮希高躅未得凌風翔  
苦受塵寰束渺渺懷靈脩翩翩振薰浴高高劉仙  
巖角角蟠虬纁乳溜墜天花沿崖霏霖霖古磴流  
金瓊層臺抱瑛球景龍杳千春飛梭火輪速白鶴  
來何遲佳期綵雲續班班車驂鸞悠悠軒駕鹿離  
合紛戲游閃映東西倏一聞陽春歌始覺韓娥俗  
和以瑤華音吹出湘妃竹清商被人天遺響誰能  
屬仙骨爲仙才絕世佳人獨海粵一浮鷗張劉兩  
黃鵠鴻爪印南州兔顧眷西陸輕軀雲翔翔垂髻  
花菼菼由來冰雪肌不受塵波黷衣香裁朝霞眉

痕斂春綠江天何蒼茫飛入橫波目鷓鷯爲嬰扇  
蛩蛩踐茵褥芙蓉合歡帳匝匝文漪蹙流蘇撒珍  
珠華燈綴金粟青爐吐金光蒲萄烟熠煜仙袂分  
餘馨神颺散輕馥髣髴聆步虛蘭氣吹芬郁石室  
含幽清山邱作華屋阿閣三重階芝房青玉局高  
標籠穹廬元樞運輪輻玉繩轉鈴屨金柅止輾輾  
倒景掛飛樓抽帆鎖連舳揮鞭移蓬壺鑿棧駕巴  
蜀元豹隱隱藏潛蛟深深伏陰壑蘊靈墟琅籤押  
緘櫝括囊錦爛斑旁通儼弓韞鏡機玉瓏玲斜睨  
韜箭箠始知萬物母守 孕苞育元黃鬱萌芽扶

輿各鐘毓蘿帶裊孤烟雙葉靈根夙共命結同心  
經冬翠光沃徑寸俯巖松下聽驚風謾誅蕩天關  
開平疇豁遐矚雲峯擲連環收羅入妝籠羅襦化  
綵蝶翾翾度溪淥五雲縵芳洲五香濯蘭澳雜英  
閒紅桐竿翠垂青篻漱芳注承露嚼蘂行辟穀還  
丹七五一洞天三十六一息自周還百越久亭毒  
名都幾低徊人間日催促殢骨等蜉蝣頑仙但僮  
僕命儔集諸天衆媵交曼睭佩纏結蕭秦連襪挹  
媧慮儀態隨萬方盈盈信貞淑葆真揚高華和神  
接清穆靈蹤忽差池予懷空杼柚瓊枝絕攀緣瑤

草猶鮮縟亭亭魂自清炯炯心轉肅列坐叅金仙  
殊塗同寶籙綺語問靈飛真形披畫幅摩崖壁蒼  
潤剔蘚花瑟縮旁求許彥先近接周茂叔嘉名錫  
通真殘碑補遺錄熙寧丁巳夏捫搜左行讀陋儒  
語詹詹著書亦碌碌摘星遺羲娥掇藻采原菽一  
笑心眼空何勞語諄復聊縱逍遙游超然寄濠濮  
謁來升天行那作窮途哭黃庭通內外青詞相往  
復夷猶愴忘歸凌霞送孤鷺臨高臺以軒永謝紅  
塵辱緬思靈之來花朝賽巫祝四照花娟娟曾波  
月漉漉春江花月夜迎神送神曲傳書竹葉符薄

薦桃花粥援琴歌歛欽披簑

希聲合畿祝嘈嘈譜神絃幽幽雜絲

頤大巫作嘉告升雲半有無娛神託

增波雲歸山有木碧雲殊未來白雲滿

崆峒巖

邑庠士

二氣初盪空磅礴迥不竭西北記遊

穴初登覺幽深旁轉更高潔嶙峋起

彩纈寒溜浮空明巨石羅曲折逢逢擊石

不外泄乃知化工神難以常理說母青筆雖

能寫奇絕高人臥林壑白雲可怡悅世宙隔

陽春縣志

卷之十四

藝文

五十三

澄懷似冰雪

七言古

遊崆峒巖

廣東督

吳

我昨南遇太史公

謂曹地  
山前輩

爲我西向談崆峒

指不容口意似一掃千巖空我時猶豫

州一渡清

叫奇絕怪事毋乃神工

石空其中哆

虹高者爲闕楠勾

似獻寶朝河 大 幽特

玉 皆洞中石狀 彫 巴 蕩滌元

雲 循崖右轉更深豁 權巋然

中貫見砥柱力幹坤軸天 良其背

却立不動高隆崇旁穿一 仙笈藏

虛冲此山便合誇蠶叢此 我名何

為掛絕壁曹侯下筆摩青 書雲巖壁

崆峒主人白石翁 白石

風 舊有石邑令 不動大風

雨石自曹公為 乾坤何處 元 冰

陽春縣志

卷之十四 藝文

五十四

蟲作詩 曹兼賀石萬八千歲

輓孝子謝梓

瞻彼水兮淪之澳有慈烏兮集

解飛羽潔聲清性具足一朝風雨 集

前痛號哭號哭洒血將何為願身 母

子分離何慘切一聲一淚肝腸裂 天

年兒死黃泉亦快然備嘗捶楚甘 身

死而已豈知鄰封有宰賢魯國名儒

仗義氣如海莫教子母各一天感 心

解脫不計千黃金母子重逢哀且

其美胡爲一旦遊仙鄉翹首悲歌問彼蒼蒼天謂  
是成孝子孝子千秋名不死

崆峒巖追和石上吳雲巖夫子韻 馮敏昌

古稱嵩恒岱衡華厥秩視三公誰其佐之河圖遁  
甲轉不言崆峒朱明洞天次第列嶺嶠不知崆峒  
何以獨在西北聳峙凌虛空元精由來揭斗柄地  
勢空說聯崑潼我意太始自悅莽豈必洞壑眞龍  
從况稱斯山宇內復有幾兩屐未歷正使擬議摹  
寫難爲工扣扉今日陽江東居然靈異栖其中我  
來輟棹推短篷隔江雨過明彩虹筍輿十里不辭

遠篁茆一徑微相通於時山外初午鐘羣石如豹  
如蹲熊忽轉塵寰作福地矻然日月開庭宮石梁  
橫跨路迤邐水瀑飛洒聲玲瓏藤臂高垂蝠女掛  
玉乳潤極雲母烘神 白鸚鵡紅嵌竇夾峙雙  
房權斧鑿那無鬼神力結構不與人間功吾聞上  
古民質樸三皇五帝非尊崇所以黃帝廣成子心  
契元妙神虛冲梨棗自掃荆棘叢升高何必箕與  
嵩方隅丁壬侯起伏枉向龍虎叅鉛銅何如題字  
濂溪翁 山有周夫子題名 至精三五開羣聾寥寥熙寧溯  
元豐至今峭壁支罡風嗚呼後來觀者但賞筆力

雄擾擾何異冰疑蟲問君何處符德充徒爾河

甲乙分異同

山又有碑稱  
為第四崆峒

遊崆峒巖用吳雲巖原韻

邑縣尹

彭昭麟

丹稜人

憶昔先考察公點染巨筆碑崆峒石青字赤峙  
巖側光芒萬丈凌虛空我生遊屐遍天下東登泰  
岱西華潼竊聞崆峒有三處臨洮汝定爭崆嶷茲  
山第四孰所命名與地稱名斯工曩時洞口石所  
室藤蘿糾縵蒙其中姜侯拜石感神力石隳洞關  
驚雷虹始入開拓若房屋小徑側出深幽通中列  
佛像傍鼓鐘燭光射目光熊熊鼉鼉架梁獅象伏

陽春縣志

卷之十四

藝文

五十六

金芝玉乳羅仙宮窮奇怪變列萬狀仇池玉色何  
璵璠山空塵坌那得入朝夕惟有雲霞烘我來命  
駕急往訪香烟縹緲縈巖櫳豐碑巍然獨峙立績  
栗完好誰之功妙文元氣幹造化山靈呵護人欽  
崇蜀雲嶺海隔萬里得履先治心神冲人道新叢  
發故叢培塿那敢齊高高摩挲手澤再展拜起視  
四壁如磨銅雲巖太史地山翁奇語震喝人耳聾  
二公於我皆父執共成三絕留高風別有蝸畫列  
橫縱篆法往往通魚蟲奇境罄筆寫不盡今之視

昔將毋同

洞中石壁有吳雲  
巖及地山詩



夢遊丫髻山觀瀑布泉歌

莫元伯

春州城西一百里中有龍潭號白水臨流濯足兩  
載心泉聲飛來一夜裏此時身立丫髻峯明月高  
挂東溪松但聞霹靂半空下水光雲影相溶溶蜿  
蜒一氣互噴薄滿天風濤亂巖壑千尺龍泉水都  
作雪花落雪花點點飛飛上遊人衣遊人久立寒  
透 仰視河漢星斗輝攬衣徘徊坐大石字跡雲  
霾半明滅命名遠接廬山泉大鑄漱玉石文裂我  
欲因之窮其源天池龍井今尚存仙人立我最高  
頂青猿白鹿當我蹲猿啼鹿嘯山色紫一時恍惚

陽春縣志

卷之十四

藝文

五十七

驚欲起茅屋鷄聲橫枕來寒泉颯颯宛在耳天下  
佳山佳水何處無足跡安能周八隅今日夢丫髻  
明日夢匡廬飛泉萬斛爲我洗襟裾杖亦不用策  
酒亦不用沾精神浩浩遊太虛翻笑向平禽慶奔  
走徒區區

九月八日遊崆峒石室

譚敬昭

十年我著崆峒賦五年我和崆峒詩今年始識崆  
峒面雲烟入眼開靈竒清霜白日秋氣健重巖絕  
壑迴天姿乃知會心不在遠半壁自是九十九洞  
真仇池入門雀躍喜平谿曲徑蛇轉還透迤璇室

瑤臺得未有恨相見晚來遲遲得非 以前金

水精結凝爲骨爲膚肌飛溜懸崖透秋雨時有滴

瀝沾蒲衣麻姑泉死滄海淺黃麟脯熟無人知

洞中

向有麻姑泉今竭

冥冥白晝蝙蝠飛龍鸞窟宅分迷離就

中名物翮縷瑣屑不可紀天花墜地人間稀偶得

二一已驚絕如太古世遊農羲或如巢閣鳳或如

負圖龜或如奔日蟾或如承雲螭或如九尾狐或

如一足夔或連如鐘簾或列如罟罟或聳如樓居

或廣如庭墀或如大鵬雙翼垂或如熊羆相攀追

或如佳人絕世立曾頰倚耳娟娟眉或如玉京羣

陽春縣志

卷之十四 藝文

五十八

帝朝北斗翠蕤髣髴黃金支從以天馬拳毛獅或

如菩薩羅漢天女諸變相事迹嚴秘鬼神莫窺恒

河沙數不可思維又如文人不平氣胸中入九雲

夢供我頤指揮奇奇怪怪千萬狀安得摩天巨刃

鑄此瓊琚辭興酣更跨飛仙橋俯視一切何卑卑

天光雲影藍玻璃安期稚川安可希山中水泉甘

且肥玉液久服能不飢何當凌風遍六合上與造

化相兒嬉蓬萊羅浮兩蝸角對此拳石誰雄雌

黃午溪同年招遊崆峒巖

拔貢

黃士璜

南城人

我昨走入春州境芙蓉幾朵排空青心知此地孕

奇氣定有秀拔千人英忽遇能詩子黃子笑口一  
懷抱 良辰導我訪名勝藍輿迤邐循郊坵但  
見數峯昂首迎石筍林立如弟兄茲峯乃作衆峯  
主下豐上銳森峻 何年五丁鑿山肺豁 突啟  
重岩肩穿岩繞磴歷幾折中有洞穴高而 巋  
二柱相撐撐宛然樓閣飛閣楹宋桷不 匠氏  
而前崖壁梢斷缺一綫透入天光明或爲青涼  
撞竿植亭亭或 阿羅漢枯坐閉兩睛狡狴踞  
伏不動於菟負嵎怒莫撻倒垂如束帛上蟠如雲  
騰又或如鐘或如鼓擊之彷彿 鏗 瑣

雜萬狀黃生一一指點手口俱不停要皆石 之  
所凝結而成形巧如天匠亦難斲依稀水府竅  
開瓏 注目神 悅小語響輒 石 時作  
滴炎天陡覺陰風生紛紛蝙蝠 六者如  
舒雙翎飛橋一道高跨無底谷傳

往來仙靈天工闢此奇妙境吾恐巨石難爭

有巨石山山  
有二石室軒轅訪道當日雖未到何妨

峒名遍觀奧窔取逕出僧寮小坐茶香清更與昔  
生縱談今古事滔滔快辨殊可聽胸羅道書內  
秘牒兼幽經作爲詞賦光怪神鬼驚亦如此

中幻奇詭畫家斂手不得施 言 山佳士  
迺斯遊快意得未曾振衣長嘯凌蒼冥

崆峒巖 七古

陳文介

崆峒之山何崒嶭壯觀特立高無極平原散作  
蓉花元氣渾淪護蒼碧岩巒聳峙爭嵯峨 人直  
上摩天壁洞然一室張虛明高越龍岩幾千尺騰  
龍躍虎判形勢雲擁烟嵐轉昕夕峰稜側過石  
飛古洞斜開大鵬翼雄觀偉視足離奇擎天石柱  
徘雲直麻姑泉對獅子石此境尤爲人愛惜苔花  
疊錦燦成文仙露明珠灑金液春風淡蕩娛我情

陽春縣志

卷之十四 藝文

六十

異艸名葩自春色岩中勝景難盡識岩前 石留  
遺跡古人遊覽爲勝情地靈人傑今猶昔

五言律

遊銅石山

宋編修

胡 銓

是處山皆石他山盡不如固非從地出疑是補天  
餘下漏一拳小高凌千仞 奇章 未 名不到  
中書

鐵坑山

胡 銓

路入陽春境杳然非世間初疑金谷嶺原是鐵坑  
山日薄嵐烟重天寒酒力慳人言茲地惡我愛碧

孱顏

簡陽春邑宰

胡銓

縣古杉楓老人居水竹間化民無訟獄留客有江

山路遠旅愁積病多詩思慳主人情意篤不飲愧

吾顏

遊崆峒巖二首

明廣州節推

陳紹功

使事逢佳節登高續昔遊秋山烟氣斂春色日光

流幽景題難遍神工畫不收炎方長苦熱薄暮索

重裘

性癖耽山水登臨借此行題糕催秀句吹帽覓新

陽春縣志

卷之十四 藝文

六十一

盟佛古荒苔合僧貧破衲迎行春有令尹天色正

清明

遊白水龍潭

國朝邑明經

劉大鏡

峯嶺亂峯青飛珠萬斛零谷寒携衲憩洞古帶雲

肩拾葉燒新笋捫蘿篆小銘最憐潭畔樹學得老

龍形

溫泉長夏

邑庠士

劉裔沂

水德原清冷溫泉何所為天地有深意世人那得

知靈根通火井元氣在湯池忽憶浴沂樂春歸正

及時

冠溪泉石

邑庠士

張淡

幽林天結構清迥絕塵氛石榻時邀月孤峯半碍  
雲穴泉瀦作沼飛翠裊成紋莫厭歸來晚樵歌次

第聞

銅石禪林

邑庠士

揭友璿

奇巖古銅石幽迥一禪林花霧分香靄泉聲雜梵

音曇雲如有想鏡月本無心我亦忘機者清歌散

遠岑

陽春留別姜巖亭

曹秀先

旅人當仲夏勝地及陽春雨浥枕榔熟晴熏荔子

陽春縣志

卷之十四

藝文

六十一

新崆峒摩石老單父聽琴真循吏余懷古今茲一

慰神

過陽春有懷前令葉函齋前輩

吳鴻

春江流淼淼之子昔鳴琴小市風烟晚荒城絃誦

深峯多宜挂笏性澹竟抽簪不學陽山令留詩松

桂林

慈雲巖題壁

廣東巡撫

韓

對

元和人

洞天開福地石室坐枯僧樹抱雲根走山含海氣  
蒸全家携兩袖萬里此重登欲問慈航渡同叅大

小乘

題慈雲巖

蔣 巢 二餘

突從平地上湧出一拳多半坼蓮花瓣斜盤玉女  
螺深龕依峭壁飛磴頰危柯一衲巖頭坐閒雲此  
暫過

陽春道中二首

錢塘明經 呂 伊 耜堂

一水彎環入千峯合沓迴晨霞穿樹駁夜月漾溪  
隤甫頌桑門偈還持篷底杯 遊德慶香山寺之次  
日即有陽春之行  
流光真電速惆悵暗相催

牢落星河曙籃輿取次前螺堆四壁繞繡錯一溪  
偏犬吠林中影人耕嶺上田吾生飽行役一笑爲

陽春縣志

卷之十四 藝文

六十二

炊烟

望銅石巖有懷宋胡忠簡 莫元伯

萬里天門遠孤臣瘴海來名山留勝蹟今日動餘  
哀伏闕千言疏投荒五字才清標並周祖無用勒

碑回 巖有周濂溪  
祖無擇題名

七言律

按部至春州

宋 周敦頤

部歷廣東經數郡若言嵐瘴更無春度山日永埋  
清晝爲國天終祐吉人萬里詔書頒降下一方惠  
澤盡均勻丈夫才學隨時展倉庫應無亟富民

陽春卽事

宋參政 羅 僑

露布星馳到邸藩兼程細雨度黃昏壯心欲掃門  
庭寇刻骨難忘聖主恩兩路精兵交報捷一時劇  
喜已忘殮明朝更揭西山榜剩有降旌出遠村

遊巖四首

有序

明刑部 沈思孝

平湖

出陽春之西門可十里而近曰崆峒巖巖洞深  
廣石乳如柱有石鐘鼓扣輒有聲蓋東南之奇  
勝也往者埋伏荆榛閒晴則濛濛然小雨則滃  
滃然林木鬱蒸青葱不別比余以謫電而來也  
爲毛明府子興道之師明府乃剪箐披茸蹙蹙

陽春縣志

卷之十四

藝文

六十四

行蔓草中而飛磴危岑矗然改觀矣茲明府觴  
余巖上則見吞吐雲烟旭日相媚掩映玲瓏紫  
翠萬狀居頃之則又虛谷和響萬木奏節恍如  
霓裳羽衣與天籟會以茲勝蹟而顧可遺之耶  
繫禹跡之內崆峒三一黃帝問道處一麥熟臨  
洮見少陵詩一在安定百粵在荒服禹跡不經  
且弔古之士罕至焉仙佩非遙山靈有待余始  
獲於明府標識而邀遊也詎非茲巖之逢其適  
歟昔蘇長公謫惠芟除茅樾闢白鶴峯遊士藉  
爲美談而峯名遂顯於天下余也陋非長公比



而茲巖之勝竊擬於白鶴矣聊成鄙章用抒余臆

西風蕭颯碧雲浮烟樹微茫帶遠洲削壁畫驚孤鳥下平林寒起亂猿愁客同葛令尋砂至蹟似軒轅問道留翹首天門原咫尺褰裳徧擬極奇遊崆峒巖色倚巒岼搖落清秋迴自看過雨雙龍驚峽出冲雲千鴈渡江寒也將杖履酬佳勝暫向烟足笑歡極目扶桑情不盡海天寥寂思漫漫雪乳參差翠欲封振衣千仞蹈芙蓉烟霞落日迷丹竈風雨寒潭響石鐘地敞峯陰秋黛出山浮

陽春縣志

卷之十四

藝文

六十五

影暮雲重自憐彩筆曾驚世爲賦層阿興轉濃杖藜縹緲及飛仙羅水逶迤鳥道偏望遠山圍青玉案探奇人賦白雲篇中峯半壓松蘿色

收瘴癘烟指點空濛渾莫辨東巖斜月故娟娟

張文

誥跋先生博學雄才素以忠孝自許登戊辰進士主憲部尚書政屢獻讜言偶出電陽戍卽日就道行李蕭然毫無介意到日授業帳如儒生每名山勝景輒樞衣翫臨所至往往有題咏人無識之昔胡澹菴先生謫澹菴伯仲澹菴復徙吉陽而先生應內召授太僕卿指日大拜以慰吾皇眷念之勤沛蒼生霖雨之澤幸茲邑踵先生所遊地拭評有定論哉誥儒生幸宰茲邑踵先生所遊地拭先生所留題懼其久而湮也勒石於巖庶斯地

人傑增重云皆萬  
歷戊子初春望日

寄和沈純甫比部遊崆峒巖二首

明戶部侍郎

區大相

高明人

城外名山此鬱盤  
青天孤劍倚巒岏  
石壇過雨瑤花靜  
丹壑含風玉乳寒  
藜杖自穿雲霧入  
苔碑先拂薜蘿看  
絕憐空谷稀人跡  
塵外逢君一笑難  
把酒蕭條眺遠峯  
削成青壁秀芙蓉  
書傳有客瑤草日  
下何人鞭玉龍  
樹杪秋陰涼籟起  
巖前黛色暮烟重  
非緣謫籍鄰幽杳  
石上爭題逸士踪  
登雲靈山望海

國朝清遠學博

謝良遇

邑人

陽春縣志

卷之十四

藝文

六十六

縈帶東瞰鼉城似  
泛杯縹緲雲帆移  
島嶼蒼茫樹隱樓  
臺憑高勿訝春州小  
呼吸真疑接上台

九日遊崆峒

邑明經

梁燿

翠微登眺四無隣  
杖履蕭蕭稱葛巾  
遠訪廣城丹竈跡  
幸逢陶令白衣人  
洞門深鎖乾坤別  
巖菊初開節候新  
共買萸囊成一醉  
暮年郵許負佳辰  
仲春花朝同祝雨  
巖明府東郊勸農

劉士課

郭外雙星拂彩霞  
溝塍繚繞問農家  
東郊夙命祈先嗇  
西銜奄來繞後車  
農父共沾堂下酒  
章縫好

看縣中花筍輿謾託清塵往豈是春遊玩物華

射木山觀海

劉裔烱

獨立岩巖射木峯冷然雙袖挹清風蓬山島嶼微

茫外蜃氣樓臺指顧中石映波光搖黛綠樹縈潮

色絢霞紅興來直欲乘槎去晞髮扶桑到海東

銅石巖訪劉仙遺跡

劉裔烱

雲姬遠向青霄去冷落空巖雨雪霏翠壁影中雲

冉冉落花流處客依依曾同阿母瑤池宴常共蘭

古洞歸試向蓉城問消息幾時鸞鶴更南飛

七星丹竈

邑庠士 張錦

陽春縣志

卷之十四

藝文

六十七

七峯如斗列崔嵬紫翠相連畫嶂開元鶴何年歸

洞府碧雲長日鎖瑤臺謾思玉液調金鼎且酌靈

泉入羽杯欲向壺天尋舊侶藥爐烟斷幾人來

遊崆峒巖

邑明經 陳應球

奇峯突兀起平田洞口流雲斷復連巖樹碧籠蕭

寺古山花紅映客衣鮮老僧曳衲隨雲補牧豎牽

牛對瀑眠塵世滄桑知幾度石橋鐘鼓自年年

龍巖遠眺

邑庠士 陳舜源

上方臺觀倚崔巍鐘磬聲遙出翠微古洞乍臨塵

寂名場久閱世情稀斜飛一水青山隔半隱孤

城綠樹圍向晚不妨遲掩戶前峯應有白雲歸

雨中過春州城

莫元伯

滿城風雨急冥冥雙槳遲遲掠草汀鳳水北來春

漲碧龍巖西護曉烟青濕飛旅鴈聲逾澀驟落河

魚勢未停六日道中晴日少推篷無用望雲靈

州春

諺云晴不  
晴望雲靈

補官春邑泣任七月奉檄調赴會城途次復奉委

權廣州通判不克與士民作別感而賦此

邑縣尹

陳懷彥

吉水人

復矢初心作宰官不求卓立未圖安半年采俗知

陽春縣志

卷之十四 藝文

六十八

民隱百里關懷凜素餐敢謂政行能洗革幸逢歲

稔鮮饑寒彼都與我緣何淺羽檄催行賦別難

非因報最出山城草草相離百感生數月官民猶

未洽一江風雨頗無情別釐有志其如暫惠愛無

方敢說清寄語五都良士庶各安耕讀答

昇平

偏隅習氣未全淳間有冥頑失性真懲戒每存矜

恤念澆漓還望轉移新有山堪采貧能贍無訟相

持里自仁安得賢愚歸一轍康衢坦步樂同春

遊銅右

宋知州張登

山斷開元碣龕留大業僧七年馳使路三躡石梯層

紫雲巖

明闕名

偶入紫雲窩尋僧問薜蘿仙人不在此巖古白雲多

長至日由陽春抵黃坭灣卽事六首

國朝葉藩

流水枕邊琴筑青山野外簪裾楓葉丹青似錦雞聚散如魚

陽春縣志

卷之十四

藝文

六十九

冬日已連春日吳人尙作越人舟動蘆邊接翅

懸沙際投綸

忽至青溪渡口重行英石峽中山脊蒼藤絡肘灘

頭碧苻搖空

曾訪崆峒巖石虛聞十三疊泉北去火雲漲海東

歸水稼平田

地僻人前鵲啁村深樹裏鷄鳴岸上江聲沙走船

中月影潮生

仙吏喜逢海嶠歸人卻臥江鄉

時余將歸里

節與青陽

漸逼愁隨弱線俱長

七言絕

七星丹竈

邑庠士

陳廷琛

郭外芙蓉高插天層巒深處住神仙丹成九轉歸

何處鎮日霜楓冷暮烟

崆峒第一峯

劉裔烱

孤峯突兀路千盤萬里烟雲一大觀幾欲憑高效

長嘯却愁風露濕衣寒

舟次陽春

兀和孝廉

韓是升 東生

雨餘嵐翠滌塵顏棹入空濛杳靄間茅屋半藏深

竹裏分明著色米家山

陽春縣志

卷之十四 藝文

七十

春州竹枝詞

劉裔烱

桃花深處是儂家曲曲踈籬遠徑斜除却掃花無

一事相逢唯試小濛茶

鷓鴣聲裏半晴陰薇蕨抽芽筍滿林西嶺採薇東

採笋較來清味覺誰深

小濛茶候在清明少婦提筐趁曉晴採得露芽新

火製芥山風味比誰馨

牛輓曲中車輛稠黃坭灣下集商舟日日征人行

不息新成官路到河頭

陽春縣志 附錄

勸捐姓氏

藍培玉 王國勳 馮成連

何汝晟 李才璨 洪福謙

吳茲湯 王俊舉 藍國超

黎彰遠 李家楹 劉世燧

藍達成 陳惠揚以上見選舉 龍德宗

梁朝棟以上職員 嚴祖恩 顏可象

嚴有容俱貢生 梁恭瑞廩生 柯子揚

梁恭承 李 校 楊匡瑞

陽春縣志

一

袁昌清 劉世縉 王成裕

張嘉猷 張翼元 謝家蘭

李才經 龍世槐 謝慕熹

梁建邦 林攸華 吳愈豐以上生員

曾 淥 藍國賓 林啟運

李伯棟 張起燦 歐英昭

陳瑞鱸以上武生 汪沛然 劉宗溥

黃敷光 李德芳 莫來儀

羅文燦 薛尙文 謝恩錦

何應鵬 崔家秀 柯光泰

陳永夏

陳居邦

李啟成

吳廷憲

楊元屏

梁耀圻

梁安第

黃孟誠

林作昂

湛開芹

劉世宣

湛源溥

馮子揚

吳昭念

范昌盛

伍學桐

吳大端

劉士芳

王國治

以上監生

蘇瑞琳

鄭廷楷

以上從九

捐資祠宇

張誠

世襲千戶所祠  
在城內蓮塘涓

劉念三

祠在三甲堡石嘴鄉

藍彥貞

祠在三甲堡造羅寨

劉廷亮

見列傳祠在三甲堡瀧龍鄉

陽春縣志

劉裔烱

見選舉祠在三甲堡礮溪鄉

李迺猷

見選舉祠在潭水堡中和里

伍德敬

新會歲貢生祠  
在六甲馬催鄉

陳國紋

監生祠在城西雅舖街

范璋

祠在龐洞堡荷祿鄉

王宗佑

祠在三甲堡街頭

李良

見選舉祠在岡尾堡

梁崇伯

見選舉祠在城西安寧里

莫文質

見選舉祠在那烏堡大坳鄉

劉萬一

祠在三甲堡荆山逕

謝福存

祠在輪水鄉

蔣仕達

祠在城內文星社

吳德

祠在鳳南堡湖邊鄉

韋君載

見選舉祠在那旦清湖塘鄉

李雲標

見列傳祠在岡尾隆岡

李惟揚

見選舉祠在岡尾隆岡

謝棧

見列傳祠在輪西園

吳勝晉

見選舉祠在七甲堡石碧鄉

謝成勳

見選舉祠在輪西園

劉家坡

見選舉祠在三甲堡礮溪鄉



汪 洪 南見選樂舉坊在城 柯大化 門見選城內正街在東

梁之屏 內見選縣前街在城 劉裔灼 甲見選堡東岸鄉在三

劉家俊 甲見選堡礮溪鄉在三 楊世華 在世襲城內千戶善坊

黎思聰 尾見選舉祠在岡 劉家壩 甲見選堡龍騰鄉在三

劉啟鎰 甲見選堡新溪鄉在三 吳尙俊 堡州同邊祠在鳳南

岑捷登 枝見選山舉祠在荔 謝 鑣 水見選寨祠在輪

劉宗權 甲見選堡西岸鄉在三 張鏡心 萃生祠在城西

馮映滔 堯見選堡福萃鄉在現 范源淑 洞見選堡新溪鄉在龐

范成樟 槩見選祠在龐洞堡 王荆山 甲見選堡鳳溪鄉在三

伍榮瑞 甲見選桃峒塘在寨 黃 詔 在例封甲金鳳塘祠

陽春縣志

嚴六九 在例贈堡文龍湖鄉祠 謝 磬 水見選舉祠在輪

袁永可 甲見選堡坡中鄉在三 柯應達 城廩內正街在東門

劉啟銘 甲見選堡東岸鄉在三 嚴恆恕 鄉貢生祠在松栢

吳贊綸 甲見選堡石碧鄉在七 李九標 庠生祠在岡尾

黎廷秀 排庠後祠在岡尾 曾敬洲 埠庠生祠在岡尾

范源洪 龐高郡庠合樓鄉在 黃啟時 堡庠生祠在八甲

黃元第 蓮庠塘湄祠在城內 黃憲符 堡庠生祠在八甲

伍原忠 縣庠前街在城內 李士珩 在例贈修職郎祠

蕭芳斯 堡武生祠在鳳南 林翀光 監生祠在排埠

吳 廷 堡監石碧鄉在七甲 藍式熙 堡監黃龍鄉在三甲

楊永奇 監生祠在八甲 吳應綱 祠在八甲 堡蟾

范其仁 龍祠在龐洞堡迥 林偉 祠在西河堡長

陳元 街祠在城內縣前 梁元養 祠在下馬水棠

嚴貞 祠在松柏鄉 何昌藩 祠在平坦堡永

林萬任 祠在壁質堡樟 李慶 祠在壁筴堡

陳光普 祠在那坐鄉 歐富 祠在潭潦鄉

莫文俊 祠在大垠鹿村 楊立雄 祠在龍口塘

陳于參 祠在石岡 陳雨佳 祠在石岡竹湖

蔡名遠 祠在西河金雞 蘇才相 祠在青山堡那

吳朝叔 祠在石蓁堡 劉應龍 祠在三甲堡下

劉應騏 灣祠在三甲堡龍 劉應舉 祠在三甲堡龍

陳世興 分祠在鳳南堡十 夏曰球 祠在鳳南堡大

劉廷斌 雲祠在高垠股白 湛洪義 祠在鳳南堡永

陳法瑞 塘祠在鳳北堡大 劉維楨 祠在鳳南堡白

劉膏 寨祠在鳳北堡埕 吳宗桂 祠在三甲堡石

黃隆 良祠在八甲堡虞 黃頤 祠在八甲堡羅

黃鵬 榜祠在八甲堡卜 楊官守 祠在八甲堡白

楊瓊 鳳祠在八甲堡金 楊珩 祠在八甲堡合

楊子榮 梨祠在八甲堡鐵 楊昭國 祠在八甲堡鐵

黃似明 坡祠在八甲堡大 鄒福 祠在八甲堡那

陽春縣志

鄒法仙

竹祠在八甲堡扶

楊淑澤

高祠在八甲堡峯

藍仲青

龍祠在三甲堡黃

袁潤隆

溪祠在三甲堡羅

袁法昌

邵祠在七甲堡蒲

蕭貴一

眼祠在鳳南堡三

蕭貴二

甲祠在鳳南堡三

蕭萬昌

甲祠在鳳南堡三

蕭萬承

塘祠在鳳南堡蓮

吳剛一

埔祠在鳳南堡林

吳義

井祠在鳳南堡大

吳國賢

邊祠在鳳南堡湖

龍清

嶺祠在七甲堡黃

陳運幫

垠祠在三甲堡大

范其孝

祿祠在龐洞堡荷

范其智

村祠在三甲堡楊

王敬堂

峒祠在三甲堡岑

王鑑二

口祠在六甲堡山

王錠三

茅祠在六甲堡蕙

邱榮一

屋祠在六甲堡新

陽春縣志

五

楊公誠

科祠在六甲堡選

吳念三

垠祠在七甲堡大

王明輝

關祠在七甲堡大

韋裕遠

強祠在那旦堡黃

羅恆一

水祠在那旦堡澗

王國爵

水祠在那旦堡曲

顏茂似

祠在排埤

林應科

祠在排埤

李廣英

祠在岡尾

李藹

祠在岡尾

李尙奇

祠在岡尾

李昌學

祠在岡尾

李寐

祠在岡尾

李夢春

祠在岡尾

曾昌後

祠在岡尾埤濬

張明德

祠在岡尾埤濬

李大有

祠在岡尾潭邦

捐資姓氏

洪福謙 理問 李家翰 歲貢 李才璨 理問

李朝瑞 庠生 李炳文 進士 鄧英傑

王國治 俱監生 劉應瑞 范基翠 庠生

劉榮玠 進士 楊廷鏡 附貢 吳茲湯 州同

吳光勳 舉人 馮承連 州同 劉宗嚴

藍國超 陳惠揚 俱職員 羅經斗 千總

賴以相 蔭千總 謝開魁 貢生 黃西翰 縣丞

范基才 州同 伍于輝 貢生 何廷獻 廩生

何廷弼 監生 何文遠 庠生 李春魁

朱有燦 王俊聲 俱監生 陳廷相

陽春縣志

六

范基祆 龍德宗 職員 衛斯垣

陳文融 俱監生 藍時薰 州同 李家楹

藍達成 俱縣丞 伍常 貢生 王引望 附貢

李發權 李培芳 庠生 吳純昌

歐超龍 嚴容寬 吳光縉 俱監生

李世則 劉大沛 李成旭

馮秉箎 舉人 黃作焰 恩貢 蔡高 河頭千總

蔡世泰 陽春營千總 劉大鏡 劉裔沂

蔡信昌 嚴自修 藍培玉

張鵬舉 俱歲貢 陳誠 陳譔

羅肇光

陳朝經

劉淋

嚴魁第

以上武舉

黃秉仁

德州衛守備

顏可觀

武生衛守備

劉世檀

武生衛守備

嚴在行

職員

伍月斗

林郎贈儒

伍文濱

李惟隆

陳士華

謝華庭

藍維韜

楊作榆

俱州同

劉世煒

林自繡

王俊舉

韋高堅

俱職員

黃展龍

劉宗注

俱貢生

李承遠

劉啟鏞

黃植聰

王忠邦

楊振崑

俱縣丞

陳文言

王肇岐

黃德馨

以上附貢

嚴廷錫

守禦所千總

陽春縣志

七

梁恭猷

嚴彰華

俱武生千總

陳賢啟

林自錦

莫蒼頤

黎彰遠

嚴正錕

李才綬

王成愈

藍國鏡

袁紹卓

黃植龍 俱千總

嚴北佑

蔭騎尉恩

嚴聯第

署羅平州吏目

嚴廷錫

莫英敏

湛開紀

黎聯卓 以上把總

嚴思朗

莫敬承

莫光昌

陳成名

黎挺卓

崔天成

崔燦天

崔聲遠

蔣世紹

林攸榮

陳振興

蘇佐朝

顏可象

顏 著

嚴祖恩

劉啟炎

王成震

楊應中

陳光辰

曾端奎

曾文光

俱貢生

楊作棻

黃載精

俱廩生

劉裔洪

吳從元

陳崑山

黃守琨

李伯棟

黃仁虬

梁恭承

林啟運

曾 淥

李才經

王紹綱

王成裕

王朝聘

黃載裳

鄧秉權

劉石基

嚴鵬飛

莫蒼頌

梁建邦

陽春縣志

八

林自璇

林攸華

蘇龍彪

顏文華

顏樹槐

嚴鳳光

閑存業

謝家蘭

莊光文

劉英尹

黃雲龍

揚匡扶

藍國賓

蕭由英

龍世槐

張起燦

楊家瓚

楊匡瑞

楊維中

吳昭優

張翼元

黃汝淳

以上庠生

嚴鵬翔

劉文光

李承用

陳開泰

陳光彤

吳垣豐

楊 濂

陳恆昭

梁錦英

陳堯章

陳應占

吳驥

黃昌墳

梁超材

楊茂修

嚴奎光

嚴兼泗

羅文燦

莫光斗

莫為諾

莫來儀

薛存體

薛存周

謝恩錦

蕭德上

黎朝啟

黎廷贊

何應選

何應柳

何應鵬

崔亨俊

柯光泰

柯士豪

陳永夏

陳居邦

陳世璇

陳肇基

伍行瑞

陽春縣志

九

譚學業

鄭朝洸

林惠忠

林有斌

林啟獻

林福到

林國仕

林茂宗

呂益焜

李啟成

吳廷憲

陳世琳

陳有樞

陳國容

陳國裕

陳正和

陳振經

蘇停朝

莫如榮

莫時敏

梁耀圻

吳輔清

梁安第

黃衡珍

吳國華

嚴啟德

嚴昌綸

謝宗輝

賴君

莊德粒

黃孟誠

林作昂

曾普光

郭永年

李日菁

張成均

吳泰和

陸毓傑

汪衍東

李士相

李才超

劉啟章

李應春

劉宗生

湛源溥

陳尙熊

洗念文

劉宗垠

陳憲岸

王成贊

黃載涓

黃于典

楊襄霖

王亨鵬

王肇緯

藍國瓚

藍國獎

袁德純

袁德昇

蕭文蔥

陽春縣志

十

吳昌仁

吳茲進

范基翬

范昌盛

范基禎

范卓培

伍學桐

劉世宣

劉士岱

王成遠

吳大觀

吳光惠

劉士芳

王國卿

王家湘

楊家祀

楊家福

楊家祚

黃寶珍

黃寶琇

黃寶璇

黃樹屏

楊匡瑤

黃敷光

黃載陟

吳昭思

吳昭志

吳昭念

黃俊典

黃植炳



楊作標

吳茲亭

吳周來

黃天閻

黃于蔚

鄒雲浣

鄒雲霖

吳昌琿

吳昭遜

黃天及

楊永杰

楊家琮

楊振經

黃天羽

黃載悅

陳德勳

楊振淮

王成緒

王俊山

黃載政

黃式卿

黃式薰

黃載均

黃超英

楊振彩

黎朝選

王志端

劉士淮

張永德

曾道奎

陽春縣志

十一

張紹輝

李熙敬

李善宗

謝佐楓

林世滙

顏世鈞

梁恭嶽

李大光

李紹吟

李紹曠

李成郁

陳俸

張道新

黎曉峯

黎龍卓

以上監生

朱懷珍

莫美德

林大成

黃載邦

楊匡薰

鄭廷楷

閑天保

梁世炳

謝儒俊

林自翰

蘇瑞琳

蘇佚朝

朝仁

吳光三

廖光祖

謝 暉

謝 昊

黎 嵩卓

以上職員

王定祿

陳 鳳

謝介川

謝 詵

唐元恭

吳雪溪

馬廷俊

麥世雄

黎予充

陳廷光

劉文彩

楊 浩

梁旭才

黃君朝

曾志欽

陳訐榮

黎廣禮

黎廣惠

黃天位

王位奇

林 新

陳致新

林自榮

林卓廣

林邦懷

吳啟德

梁天作

陽春縣志

十二

曾經濟

麥明遠

梁元盛

陳士寬

梁 渾

梁丹子

王斌伯

徐達仕

范昌盈

王文廣

王定傳

王俊昌

吳勝揚

龍孟光

龍映漢

謝華京

黎文光

李紹興

高裕堂

以下皆商

蔣世可

黃裕吉

楊永盛

李日升

李仁和

勞泰昌

黎泰和

黎泰生

李浩昌

李安昌

劉成成

羅永昌

黎永興

李順昌

李長泰

黃泰盛

陳元亨

何泰益

李廣興

孔興源

陳寶昌

嚴永和

嚴麗源

關怡興

馮寶興

馮承裕

陳恆豐

羅永益

羅益源

葉寶和

李悠遠

蘇元利

嚴義利

羅元興

謝廣源

吳永興

謝和盛

李亨源

鄧同興

劉永源

劉廣福

陽春縣志

十三

王福順

王南盛

林裕隆

張福隆

陳賢昌

汪義昌

曾德厚